

H R A N G H L U I T E T H U K H A W C H A N G

(Mi piang danglam bikel)

He lehkhabu-ah hian mi danglam tak tak Val Zahawm Taitesena, Sa kap thei hmingthang Thangdailova leh Sakeibak-nei kaptu Dumbawma te, Thuamchaka leh damlai chen nuamber Pu Zalanga te, Lalber Pu Saia leh Chawnga Champhai paturu lutuk te leh Hlionna kungpui Lalropuia te kamchhuak leh an nih phungie tarlan a ni a. Hrechiang duhte tan a chhiar chi viau ang.

MZ
809.54166
HER

Mizoram State Library
DG3252



Missouri State Library
DG3252



HRAUNGLUIITE THUKHAWCHANG

O. Hermana

*Published by
the Author*

*1st Impression
1995*

Copies

1,500

MIZORAM STATE LIBRARY
Acc. No DG - 3252
Acc. by CH
Class. by PERM
Cata. by ✓
Sub. heading by ✓
Transcribed by ✓
Location No _____

All

Rights

Reserved

Printed at

*L.C.P. Letter Press
New Street, Aizawl.*

A CHHUNGA THU AWMTE

Sl. No.	Phêk
1. Taitesena ɻhiante titi	1
2. Pasal̄ha Thangdailova awkâ	9
3. Pasal̄ha Dumbawma kamchhuak	16
4. Thuamchaka Thukhawchâng	21
5. Damlai chen nuam ber – Zalanga	32
6. Lalber Pu Saia kha	37
7. Chawnga – Champhai pa turu	46
8. Hlimna kungpui – Lalropuia	51

THUHMAHRUAI

**Khawvel bnamtin hian mi huaisen, mi chak leh mi
ehung chuangte chanchin hi an lawmin ngaihnawm
an ti theuh mai a. Keini Mizote pawh hi chutah
chuān kan bang bik lova amaherawh chu, ziak a
kan lo invawn ve zel thin loh avangin kan mi hriat-
reng tlak tam tak te hming leh an chanchin chu
theihnghilhin a lo awm ṭan ta a. Chung kan hnam
rohlu thamral mai tur chelh din nana he lehkhabu
C. Hermana'n a rawn buatsaih hi fakawm ka ti tak
zet a ni.**

**He lehkhabu HRÂNGHLUI TE THUKHAWCHÂNG
tib hi a hmel enin tlawm hle mahse hranghlui tham-
ral mek te chanchin min hrilh thar leh tu a nih
avangin lehkhabu ropui tak niin ka hria a. Chhiar-
tute'n Mizo mize lo hausakzia briat belh nana an
hman ngei ka beisei rualin a ziaktu pawh kan mi
hriatreng tlak inthup (Unsung Hero/Heroine) te chan-
chin hai chhuak a rawn ziah belh zel turin duhsak-
na ka blan nghal bawk e.**

Dt. 15.4.1995
Mission Venglai,
AIZAWL.

Pahlira Sena Chawngthu,
Awardee,
Mizo Academy of Letters' Award.

ZIAKTU THUHMA

He lehkhabus HRÂNGHLUIITE THUKHAWCHÂNG
tih hi ʈhian ʈhate thu min rawn leh ngenna ang a
rawn duang chhuak ka ni a. Tiø, he lehkhabus a
pasalʈha leh mi danglam tak tak ka han tarlan te
pawh hi, Taitesena tih loh chu, an hmel mit ngeia ka
hmuh leh an awkâ chhuak benga ka hriat ngei te an ni
a. Taitesena pawh hi a hmel hmu phak lo mah ila
ka hmuh phak a ʈhian hlui putar hovin a chanchin
hmaichhan ngeia min hrilh a nih avangin dik thawkhat
turah ka ngai bawk a ni.

Thuziak reng reng hi a dawngsawngtute a zirin a
ʈangkaiin a ʈangkai lo thei a. Chhawr ʈangkai thiam-
tute erawh chuan thu mawl hote te a kan ngaih te
pawh hi tuimal far te te leh ʈiau vut hrang hrang
awmkhawmin tuipei lian a tlina ram nuam a siam
thei ang hian thu ʈangkai leh thu ropui ber bcr te
sawi chhuah nan leh ziak nan an hmang thiam ʈhin
a. He lehkhabus a mi danglam tak tak te kamchhuak
leh an nih phung ʈheinkhat ka han tarlan te pawh
hi hriatna tihzauh nana hmang thiamtu an awm
ngei ka beisei a ni. Lersia sepui chi ʈha pawh
Liandova te unauvin favai zing aṭangin an chhie
chhuak a lawm le !

Hman deuh lai te kha chuan thu hlui sawi hi, Sappui
nun kan zir ʈhin aleiah, ‘a ʈhing lutuk’ kan in tihsak
mai ʈhin a sawitute pawh kan ngainep mai ʈhin.
Mahse tunah hi chuan ʈhangtharte HNAM ah kan
harh chhuak ve ʈan ta a, hun kal tawh a kan dim-
hmun a nep emaw a ropui emaw a nih dan ang
ang a hriat chian hi hmasawwna rahbi chher chhuah
nana tehfung pawimawh a ni tih kan hrithiam ta a.
Hranghluite chanchin han sawi pawh a manhla ta
ble a ni.

(ii)

Lehkhabu lar tak mai ‘Ben Hur’ tih kan’ chhiar chuan Benhura’n a nu huenab, ‘Ka nu, ka hnam zingah hian mi chak leh thiltitheite an awm ve lo em ni ? tia a zawh thu kan hmua.’ A nuin Davida’n a beramte savawm leh sakeibaknei laka a chhanhim dan leh Virvawm mai hmang a milian Goliatha a thah dan te, Samsona’n sabengtung khaberuh chauh hmanga an hmelma zaruk lai a tihhluum dan te a han hrilh chuan ngaihnawm a ti a. An Juda hnam chu nasa takin a ngaih ropui phah a, phur takin hma lak dan a zir phah ta tih kan hria a ni.

He lehkhabu-a beitham taka ka han tarlan val zahawm Taitesena nungchang te, pasaltha Thangdailova awkā in tlangval rilru a chawh thawh theih dan te, Mizoram chhunga Sakei danglam tak mai pasaltha Dumbawma’n a lo kah reng mai thu te, mi chak danglam Thuamchaka’n Aizawl a rawn tlawh chanchin te, damlai chen nuam Zalanga Damlai Lungphun te, Lalber Pu Saia thukhawchāng leh Champhai Chawnga turu zia te leh Hlimna Kungpui Lalropua fiamthute hian chhiartute kawm hlimin ngaihtuahna thar siam thei se ka ti hle a. Chumi rual chuan kan mi thiam leh hre zau zawk te branghluite chanchin hai ohhuah belh zelna Kawnga cho chbuaktu-ah tang thei se ka dub bawk a ni.

12. April. 1995:

PUCHAWNGA' SQUARE,
Mission Venglai, Aizawl.

C. Hermana
AUTHOR

HRANGHLUITE THUKHAWCHĀNG



TAITESENA THIANTE TITI

Kum 1950 vel dajh tawh kha a ni a, chunglai chuan Mizoramah Mizo Lalte'n ro an la rel a. Tichuan, Hriphaw Lal Inah chuan Upaho an inkawm khawm a, an zingab chuan Serhmun (Taitesena chenna khua ṭhin) khawchhuak Pu Saikaia, Pu Darrothanga leh Pu Thangchhuma te pawh an tel ve a. An vanglai chanchintə sawiin an blim tlang hle a.

Titi hmawr hawn nan Lal Upa Pu Thangkana chuan fiamthu titak deuh si hian, 'Ka tlangval laia Zataia in 300 khua (Khawhai) a nu leh pa tin maiin he tlangval hi chu makpa atan a ṭha mang e, min han tibrawn lai lai mai chu a nuam teh ṭhio e,' tiin a ban sawi ṭan a. An nui dar dar mai a !

Chutah Serhmun khawchhuak pasalṭha Pu Saikaia chuan a thu thulkhung a han phawrh chhuak ve ta a. Serhmuna kan awm laia nikhata Sanghal pa-thum ka han kap tluka nuam tih ka la nei ngai lo, Pahnih lu pheikhawkah ka bun a, a ngko ṭha ber lu ka lek a, chuti chunga ka han lam heh heh mai chu a nuam teh a nia ! a han ti ve a. Mi dangte pawh chuan an vanglai a an huaizia leh an chak-zia te, mahni tawka nula laka an tlaktlum dante leh thangthat an lo lak tawhna ṭhin thu hrang hrangte an han sawi ve a, an blim tlang hie a ni.

Chutih hun lai chuan nāupang ka ja ni a, an thu-khawchāng ka dubtawk ka ngaihthlak zāwh chuan pindan lehlamah ka phei san a 'ALAI BU' a pasal-

tha Taitesena chanchin inziak chu ka chhiar ri ta lang lang a. Ka chhiar mek lai chuan Pu Saikaia chuan, 'Lò phei leh teh' min han ti a. Ka phei nghal vat a, 'Eng atan nge min duh le?' ka han ti a. Pu Saikaia chuan, 'Taitesena hi hmanlai mi emtaw in ti a, a chanchin pawh thawnthu chhiarin in chhiar mai ḥin a. Hmanlai mi a ni blei nem, kan Zawluk riahpui ḥin kan ḥianpa alawm! a ti tā mai a.

Kei chuan, 'Chutia in Zawluk riahpui ḥin in ḥianpa a nih chuan a chanchin in hre chiang hle ang a. A nih, Taitesena chu engang hmet pu nge? Pa lian deuh nge a nih pa te deuh? ka han ti vat a.

Pu Saikaia chuan, 'Ngawi rawh zunram ka'n thiар lawk ang e,' a ti a. Chutia a thawsawn lawk hlan chuan Taitesena hrechiangtu ve tho Pu Thangchhuma chuan min lo chhang a. 'Taitesena chu pa airia lam deuh, pa lian lem lo, pa te lem lo, Mizo pa tawk kan tih ang bi a ni a. Mi nungchang ḥha tak mai a ni a, han en mai chuan a nu mang zim zem e tih tur hi a ni a. Mi pawi sawi leh miin an duh-zawng an sawi tih sak lotu nih bi a hlau em em ḥin a. Midangte mamawh tibsak tur hian a inkau ru reng mai ḥin a ni. Thil chin than bik riau, ngaja a neih pakhat chu, a lu hi mam takin a khuih a, a zial a, a pawhchhuah a dar hma lamah a la, chhuak a, zawitea zai ret ret chung hian a kbusih heuh heuh ḥin a. Tunlai mi chu ni se rimawi a ngaina khawp ang,' tiin min lo hrilh a.

Chutih karah chuan 'Pu Saikaia pawn chhuak rawn thu ve leh chuan, 'Serhmuna kan awm lai chuan tlawnngal leh huaisen sawi tur an awm tluah mai

a, Taitea erawh hi zawngin History phek a lo tawng fuh hlauh a ni,’ a lo ti zauh a. (Taitesena hi a ḥiante chuan Taitea tiin an sawi mai a, a hming dik tak chu Ralhatchhunga a ni.)

Pu Thangchhuma chuan a han sawi zawm leh a, ‘Taitea kha chu a mak khawp mai. Mikhual lo zin te hi an khaw pasalṭhate chanchin a lo zawt ziah thin a. An dam rei em? Nupui fanau an nei hman em? tih a zawt tel ziah thin. Nupui fanau neia an sawi chuan.....nupui fanau nei hman khawpa pasalṭha han dam theih chu!..... a ti thawp set mai thin a, mak tak a ni,’ a han ti leh a.

Pu Thangchhuma sawi lai mek chuan Pu Darrothanga chuan, ‘Taitea tikhawlotu kha chu kan lal Hrangvunga kha a lawm maw le! Zankhat pawh thla eng riai ruai, chhumzun tla sung sung karah Taitea khan Zawlruk bang tur mau a lo chik a, a mau chik lai chu kan lalpa khan a bmuh hlauh mai a, tlangau a kova, ‘Ka khuaah Taitesena a tlawmngai ber, zan ruahsur houaiah pawh Zawlruk bang tur a chik lalin a ti’ tiin khawdung tluanin a au tir a. Khataṭang kha chuan Taitea khan a hmingṭha tihchhiat leh hlauhna avangin damrei hi a tum ta lo hrim hrim niin a hriat theih a ni,’ a lo ti ve a.

Pu Thangchhuma bawk chuan, ‘Nia, Taitea kha mi hrisel lo tak, kawchhung nat nei leh nghal kha a ni a. Khati chung khan a hma a tih tur lo lum chu thih-chih a ngam zel niin a lang a ni. Sakeiin a seh dawn pawh khan kan Val Upain kawng chhak lama a zuang kai chho ‘Taitee kal suh’ tiin a puanven ah

sawkin a han pawt a. A puanven a tal phelh a, saruakin sakei kha a va hmachhawn ta ngat mai a ni. Thihchilh a tum hrim hrim a ang khawp mai,’ a han ti leh a.

Pu Darrothanga chuan, ‘Ngawi teh u, tun hnu hian khatia Taitea’n Sakei hliam a tuar lai khan a nuin a han en ve a, ‘Taite a nâ em’ tiin a han zawt a, ka nu, ka tet laja min uire san kha a na zawk tiin a lo chhang e tih an sawi ta fo mai a. A thih zan te khan kan tlaivar ve kha a ni a, hetiang thu hi a sawi lai awm in hria em? Kei chuan ka hre hauh lo ti chungin a han zawt a.

Pu Saikaia chuan; ‘Kei pawh Taitea hliam tuar lai leh a thih zan te khan ka tlaivar ve a, hetiang thu a sawi awm ka hre hauh lo. Tun hnu a an sawi dan te chuan kan lalpa Hrangvunga’n Taitea’n tlawm a ngai ber’ tia a tlangau tir hou khan a pa chuan, ‘Tunah chuan fapa ka nei ta lo’ a ti e ti te pawhin an sawi ta a. Pa thihsan leh nu uire san, a farnu nen chauh a khawsa tawh kha an ni a. Pa nei tawh lo napui engtinnge a pain hetiang thu hi a la rawn sawi theih ang? mithiam ten thil tha zawk bring thei tur a nih briain an tawng tir mai niin a lang,’ a han ti ve leh a.

Pu Thangchhuma bawk chuan, ‘Ngaihzawn theih tak tur chuan thil a awm a ni,’ a han ti ve leh ta phawng mai a. Vawikhat pawh Taitea ram kal hlanin a farnu hnenah khan a nuin dawnfawh thapui pui mai hi a pe a. Taitea ram kal hawng chuan a han himu a, a farnu hnenah chuan, ‘Heng dawnfawhte hi a va thain

a va tui dawn em; Khawia mi nge ni le? tiin a han zawl a. A farnu chuan, 'Kanu min rawn pek a nih kha,' a lo tia. Taitea chuan, 'Uire thilpek ka ei ngai lovang' a ti a, an kawmchar kham, rante pawh an tlak sual fo ḫin naah khan a lumbo vek mai a ni. Hei lo pawh a nuin Ipte a tah sak, mawi deuh mai a pe leh bawk a. Chu pawh chu a nu kal liam hnuab, 'Uire thilpek ka la ngai lo' a ti a, a chhun chhe leh vek mai bawk a ni.

Heng thil thlengte hi mit ngeia hmutu ka ni a, heng thil aṭanga Taitea rilru put dan han chhut let hian 'Ka nu, Sakei seh aiin ka tet laia min uire san kha a na zawk' a ti e an tih pawh hi kei chuan, a sawi lai ka hre lo nain, Taitea awka nena inhmeh tak chu nuin ka hria,' a han ti ve leh a.

Tichuan, Taitesena chanchin hlir chu an sawi zawm ta a. Pu Darrothanga chuan, 'Taitea hming tilartu kha chu kan ni ve tha[k]hat bawk asin maw le! Mau pum ḫha deuh deuh hi kan han sat a, a châng kan hawlh pawp a, tui kan han thun khat a, kan zawn a kawtchhuah ah feh hawng leh ram kal hawng chhawlh halte in atan kan dah ḫin a. Tu tih nge an han tih lah chuan kan sawi duh si lova, a tawpah chuan Taitea tih ah khan kan puh tlang leh vek mai ḫin a ni,' tiin a han sawi ve leh a.

Pu Thangchhuma chuan han sawi ve lehin, 'Taitea bulah kha chuan duhzawng pawh sawi rik ngam a ni lo. Harsa chung chung a tih kha a tum ṭal ḫin a... Vawikhat pawh kan lo sul hawng kan nula ehhawm ten feh kawng sira Ramtheihai kung sang

deuh mai zar hmawra a rah bawr hrih/khat uai lang lang chu fiampu hian ei a chakawm khi maw le! an tih zauh mai a. Keini chuan, 'Sawi teh suh u, Taitea'n a bria ang a thei leh thei lova lawh sak che u a tum ang a, khua kan tlai mai mai, a kung lah han lawnna rual a ni bawk si lo,' kan tih sak a.

Hlauh ang ngei ngeiin Taitea chuan hnung fe atang-in a lo hre phak niin, 'Khawnge ei chak in awm te chuan lawh ka han tum chhin ang e,' a rawn ti ta mai a. Harsa ti tak chung chuan lawn a han tum ta fat fat mai a. Han kalsan mai chi lah a ni si lo, kan thbir ta thap mai a. Nakinah chuan engemawti ti in a kakpui a han lawn thleng ta hlawl mai a. Chutah a zar a han zawh tur chu thawklekhkatah hnung lama a iptepui ah chu hma lamah rawn insawn in a nghawngah a rawn uai ta nawlh mai a, tlemah tlemah a tla lo chauh a ni. Theihai rahna a hmawr teh lulnen engemawti ti chuan pum hnih khat chu a rawn chhukpui thei ta mai a. Khua kan thim luh phah der a lawm,' tiin a han sawi leh a.

Tlema tawng an haihchham deuh lai chubin kei chuan, 'A nih pasaltha Taitesena hian sa engzatnge a kab ang?' tiinq ka han zawt hlawm a. Pu Saikaia chuan, 'Taitesena'n sa a kab leh ramvachal a nihna han sawi mai tur kei chuan ka hre lova. A pasalthatna kha khawtlang thilah a ni zawk a ni. Mi chhia leh mi tha thiilar lovin aia upa tawh phawt chu a zah thiam em em a, a aia naupangte pawh khuangchawi fa leh daikikkar fa angkhat rengin a en a. Mi tupawhin an duh leh an mamawh an sawi a

beng thleng tawh chu tih sak ngei a tum tlat ṭhin a. Amah aia midangte duhsakna thnlung pu tlat ṭhin mi a ni.

Taitea bulah chuan Upate'n mamawh tul an sawi hi tih ve hman chang a tlem hle a ni. Naupang mei la kai tura han tirh te pawh hian, 'Khawi keima'n kan lak kai sak ang chc,' a lo ti vat mai ṭhin a, a bulah naupang pawh tirh ngam an ni mang lo. Zan thim hnuaja khaw danga zualko tlan a ngaih chang pawhin 'Taitea a kal tawh' an lo, ti leh mai ṭhin. Taitea nihna dik tak chu, khawtlang hna tul thawh kawnga Pasalṭha, tlawnna nun leh hnehna nun chang kawptu a ni ber mai,' tiin min hrilh a.

Rawn sawi chhunzawm ve lehin Pu Thangchhuma chuan, 'Taitea kha chu a ti lutuk deuh bawk ṭhin a lawm maw le! Ramchhuah nikhua reng reng khan chaw, bar thum bak a bar duh ngai lova, bar hnih/khat a'n bar khan 'ka puar ta' a ti a, a tho zel mai a. Vawikhat chu kan Val Upa hovin Theipui rah hel a lo vam pap pap mai lai hi kan bmuh palh hlauh mai a. Kan Val Upa chuan, 'Taite, ti em em a intihrehawm tur chuan kan zirtir hlei che nem,' a han ti a. Taitea chu a ngawi reng mai a, zah-thlak a ti tih hriat tak mai hian a sen ap ap mai a, a khawngaihthlak khawp mai. Mahni aia midangte a duhsak zawk ṭhin avanga a ruka a intihrehawm ṭhin kha chu lainatawm tak a ni. Tlangval hriselna tha bik lem lo, kawchhung nat nei leh nghal, na nei lo ang mai a, a han inhmang thei ṭhin kha chhel pawh a lo chhel reng reng a ni,' tiin a han sawi ve leh a.

Thu dang deuh rawn sawi chhuak ve lehin Pu Darro-thanga chuan, 'Taitea chanchin kan sawi tak azarah chuan.....Sakeiin a sehna zinga tel ve Vungzika bek a feikibar bur, a khabe tlawhchhan meuh a an pawh phawi kha tuma'n ka fei an tih loh avangin hun rei tak chhung chu Zawlbul bangah a intar kha a ni a. Mahse engemaw hun lai khan a awm ta hauh lova, a latu an awm an sawi inhria em? tiin a han zawt kual a. Pu Thangchhuma chuan, 'Mi hriat loh blana lak a ni a.... mahse a latu chu hmei-chhia a ni tih hrja an awm ru tlat mai,' tiin a han sawi a. Pu Saikaia pawh chuan, 'Nia, a latu hmei-chhia ni tlat a sawina a awm a mahse nikhaw rei thil a ni tawh a, sawi fo atan pawh a tha lem love,' a lo ti ve bawk a.

Heng Taitesena chung changa an titi zawh hian thu-khawchâng dang ngaihnawm tak tak pawh an la sawi a, mahse ka kalsan ta blawm a.

Heng Taitesena chanchin thenkhat ka hriat tawh hnu fê a Govt. Mizo High School, Aizawl a Class VII ka zir tawh laiñ kan Headmaster, Pu Sangliana (RIP) chuan nikhat chu naupangte hmaa a thusawiah, 'Kei chu Mizo ka nih vang emaw ni, Vanapa leh Taitesena te hi Mahatma Gandhi tluk in ka ngaisang a ni,' tiin a sawi tel zauh mai a. Chu chuan ka sawi tak Htiphaw tlâng a Serhmun khawehhuak Upate thu-khawchâng bi min rawn hriat thar tir leh a, chu chuan Koo 'Headmaster thusawi chu nasataka min hriat-thiam tirin a sawitu, Pu Sangliana pawh Mizo zinga pa zahawm ka tih berte zing ami a nih phah ta nghe nghe a. A siku naupang ka nih lai khan Serhmun khawehhuak Upate thu-khawchâng bi ka zilru in a vawng tih chu bria se min zawt chhuak ngejin ka ring.

||

PASALTHA THANGDAILOVA AWKA

Mizo pasalṭhate hian thu hi an sawi tam duh ngai lo hle a, anmahni chanchin phei chu an sawi nazen duh lo hle a ni. An awkâ chhuakte chuan ngaihchan a hlawhin mite rilru a khawih thuk bik ḫin a, kawng-ro pawh a su ngei ḫin.

Vawikhat pawh Mizoram hm̄er thlang lama Hriphaw khaw ram chhungah khuan Savawm, mi seh hmang huaisar zet mai hi a awm a. A seh tawh te chu an hmai vun leh an lu vunte hih sakin an mitte a ham chhuah sak a, diriam takin a sawisa ḫin a ni. Khawtlāng pawh he Savawm sual chungah hian an thinur hle a, thah ngei tumin tlangvalho pawh an thawk chhuak ḫin a. Mahse Savawm hi ramsa fинга sawi chu a ni lo nain he Savawm kher hi chu a huaisarin a sual fинг kherek riau mai a. Tawmbo dan a thiam bakah a hnu chhui a harsa em em mai a. A hnu a rulchuk ḫin avangin an chhui hmu hlei thei ḫin lo a ni. Chhultute tlawmngaihna leh huaisennain tlin hle mahse beidawngin an hawng leh mai ḫin.

Vawi engemawzat an hlawhchham hnu chuan chu Savawm sual chuan hranghlui pasalṭha, sa kap thei hmingthang Pu Thangdailova kum 80 laia upa tawh ngeng chu a cbbun ta riau mai a..... ‘Heti khawpa mibring diriamtu ramsa, khūtah Langkaih lui ral a kai ta e tih pawh ni si lo, phuba la lova ka’n han

thlah liam mai tur chuan min va run em ! Ka lo upa lu ta deuh chu pawi ka tiin ka vanglai ka va han ngai em ! tiin a rawn ṭawngchhuak ve ta charh mai a.

A ṭawng ri chu zawi hle mahse tlangvalho bengah chuan a ring hle mai a. Pasalṭha Thangdailova'n a vanglaia Savawm leh sahrâng dangte a thal hnem ziate chu an mitthla in au bau thlir kir a, chu pasalṭha aw chu zahawm an ti ta hle mai a. An thinlungah chona thar a rawn piang chhuak a, kal leh rawh u tih pawh ngai lovin an insiam sawk sawk a an thawk chhuak leh ta ngat mai a ni.

Hem̄i juma an hap thawk chhuak leh zet chu pasalṭha əwin an rilru n̄em a lo tuai rum sak tawh an ni bawk a, kawtchhuah ah ‘He Savawm tihlum lova ka kir leh chuan ka pa fa ka ni lovang’ tih thutiam an c̄ham a, chu thutiam keng chuan Hriphaw leh Cachar inkar a Inner Line Reserve ngawpui chhung ah chuan an lut ta a. Savawm fing leh huaisar pawh a fingin a buaisar seng zo ta lo.

Kan briat theuh angin hetih hun laia khawthlang lam ramngawte chu mau hmun deuh hlir mai hi a ni a. Chung mau puichang ding insi phui mup karah chuan maurawp tlu hi a inkham kawkalh nul mai a. Sa hnu ban cbhui pawhin thawm a ring duhin sa an insaseng hman thin a. Mahse Hriphaw valrual nit̄hum leh zantbum an han pilbo meuh chuan phuba cbu hn̄eh tak a lak a ni ta a. Valrual lo hawng chuan kawtchhuah ah Hnehna Hlado an chham ta vang vang mai a, sahrâng lü nen an vang khawpui chu an lut ta bung bung mai a ni. Putar chaklo tak

an nih tawh hnuah pawh pasal̥thane aw chuan zahawmna leh thiltihtheihna a la keng reng a ni tih a hriat theih hle mai. Hmanlaia Mizo Lalte'n an pasal̥thane thih an zep tlat ḥin e an tih te pawh hi zep awm tak pawh an lo ni.

Pasal̥ha Thangdailova hi kum 1894-ah khan khaw chhak lam Ral̥thiauva khua Zawngtetuiā a piang a. A naupan laiin a nu leh pa, Challiana leh Kaikhami te chuan Vangtlang, Tualte leh Lungdarah te an pem pui a. A puittlin hnuah Lungdar aṭāṅga khawthlang Tukkalh ah tla 'thlain Tukkalh aṭāṅgin Hriphawah a pem lut leh a. Hriphawah hian a dam chhung hun tam zawk hmangin dt. 27. 11. 1989 ah khan kum 95 mi niin a thi ta a ni.

A vanglai chuan pasal̥ha Thangdailova hi a hming a thang hle a. America khawthlang lama Buffalo Bill a hmingthang ḥin angin Mizoram khawthlang lamah chuan a hming hre lo an vang hle ḥin a ni.

Amah hi Fanai Pakhup hnam a ni a. a naupan lai pawh a aia upate thuawi thei, naupang tlawmngai leh huaisen a sawi a ni ḥin. A khaw lo awm tawhna Vangtlang khuaah, a naupan laiin, a tlawmngai leh thuawih theih avangin ‘Thingnawi fawm’ awl tir a ni a. A tlangval ve hnuin Lungdar khuaah mi huaisen leh tlawmngai chawimawina ‘NO’ an dawm tir bawk a. A awm tawhna khuaah chuan tlawmngai leh huisenah ‘BER’ nih a kai thei zel a ni.

Pasal̥ha Thangdailova hian sa a kap tam hle a, Thangchhuah nana sa kah ngai a kah ngawt pawh Thang vawili (4) chhuahna chuang zan a ni a. Chu-vang chuan a fate hmingah pawh Thangchungnunga

Thangchhuahkimi, Thangkima tih te an sak sak hlawm a. Thangchhuah pangngai mai pawh ni lovin Mizo-in ‘Zawhzawzo’ leh ‘Thangchuang’ kan tih hi a ni. A sa kah leh awh zat hi belkhawmin 600 chuang zan ni a hriat a ni a, Mizo pasal̥ha sa kap tam TOP TEN zingah chuan a lang pha ve ngei ang. A sa kah tam zawk hi Tukkalh leh Hriphaw-a a kah te an ni a. Hriphaw-ah a kap tam ber a, tun hmaa a kah let hniih lai a kap a ni.

Hriphaw Lal kawmcharah Pu Thangdailova hian In a nei thin a, tah chuan a nupui fanaute nen an cheng a. A banglai leh sumhmum chu sa luin an dâp chhuah vek bakah pawn luhka bang pawh a sa kah tenau deuh te lu chuan a la awh ta zel a. A banglai leh a sumhmun mawitu Ramsial ki ɬapui pui lute, Sazuk kihreu mawi tak tak te leh Nghal-chang ngo chhuak vurh mai lute, Savawm lu lian-pui pui a tar tlar dul maite chuan khualzinte mit a la em em mai thin a ni. A In chu Hriphaw khaw ti-hmingthangtu khualzinten an tlawh loh theih loh thin chu a ni a. Kum 1946-ah khan Zoram Bawrhsap, Macdonald-a zin pawhin a tlawh a, ropui a ti ble a ni. Heng a sa kah lu zo zaite hi ram buai laia Si-paiin khua an hal khan a kang ral zo tawh a, a uihawm ngei mai! A ramsial kah ɬenkhhat lute erawh chu tun thlenga Aizawl Bawrhsap Office a an tar te zing a mi hi an la ni ve hlawm.

A vanglai chuan Pu Thangdailova rap chu sarepin nghah loh lai a nei lova, rap a leng lo a fip chin tawh te chu Rengte-ah bilh ɬain rappui chungsang a nghah tir thin a. A sa kah theih zar hi khawtlang in an zo nasa thinin a titlai thei ngiang a ni.

Pu Thangdailova pianhmang leh a hmel landan chu Mizo pa tawk, 5ft. 7inch. vela sang, pa vun ngo hmel fel tak leh inkhaithli zaih mai a ni a. A sa-kah chanchin hi a sawi tam duh ngai reng reng lova, chuvang chuan mi thenkhat chuan Lasi a zawl a ni ang e te an ti thin a. Mahse, chutianga zawl a neih hria an awm loh bakah amah pawh Kristian tha tak leh Lal khawnbawl, khawtlang rin blawh tak a ni bawk a ni.

Vawikhat erawh chu Ramsial ki tha deuh mai a kah dawn a mumang a neih thu a sawi lang zauh a. Chu a Ramsial kah chu a ki-ah hian Chengkhat thir tlang tiat chiah mai hi a bial eng pap mai a. Pu Thangdailova chuan, 'Hei hi chu ka mumang lamah ka hre lawk a, a chalah chengkhat thir bel ve tur a ni,' a ti a, a bel phah ve ta nghe nghe a. Chu a mumang chu midangin hriat ve an châk teh lul nen a sawi chhuak duh tlat lo a ni.

Pasaltha dangte pawhin Pu Thangdailova hi chu tluk loh en hian an en sa nghal mai thin a. Ram palai-leng a sa hnu an han chhui tlang ngat chu a ke chhip chauh hian lei a rap a, thawm nei miah lo hian a perh thauh thauh mai a, a sa hnu chhuipui ten a silâi puak ri dar an han hriat hi chuan sing huih/khat in an lo thlau hman der tawh zel a ni. Pu Thangdailova hmaah chuan chet hmasak hman a ni lo,' an ti thlawt mai thin.

Pasaltha dangte aia a mak danglam lehna bik riau chu a tuan a that bakah ram chin leh sa chanchin hi a hre em em mai a. Vawikhat pawh Hriphaw

tlaklam feh kawng bulah Nghalrual tla sung sung lai an hmuu thu an hrilh a. Khawi lam hawiin nge an kal tiin a han zawt a. Chhuah lam hawia, Hriphaw tlang helna ruam zawk a an kal thu an han hrilh chuan, ‘Chuti chu naktuk zingah saw lama Ram Serṭawk mualah kan intawn mai dawn chu ! a ti ta mai a.

Tichuan, a tuk zingah chuan khawfing a chat dawn ta tih vela hmaah a thova, chawthing a bar sawk sawk a, a hawk chhuak ta a. Sarual nena intawng tura a in hisap-na hmunah ngei chuan a zuk tawng ta chiah mai a. Sarual chu an lo mu khawm a, chutih lai chu a han ṭhawng thova, a Tukuli mal inthun chawp zel ngai chuan a han kap ta a, pathum lai a kap thlu hman a ni. Tunlai silai ṭha ang te hi han hmang phei seng chu a thal hnem hle ang.

A sawi danin zing varṭianah hian sa mit hi a vai ṭhin a, tlan ngaihna an hre mai ṭhin lova, chutih lai chuan kah thluk tam a awlsam a ni a ti. A silai hman ṭhinte a mu leh a zēn thun chawpa sawh muk leh ngaite a nih ṭhin avangin zing varṭian hi Sarual beih nan a bmang ṭhin a ni.

Tum khat pawh In sakna tur châk a zawnnaah Satel lianpui mai hi a chhar a, a phur hawng ta a. In a thlenpui bnu chuan an en huai huai mai a. Pu Thang-dailova chuan, ‘Ka Telpui chharna bul hnaiah hian Sakhi chal a awm ngei ang, naktukah ka va pel leh ang e,’ a ti mai a. Engtiin ge Sakhi chal a awm ang tih i sawi mai theih ? tiin an han zawt a. Telpui awma ah chuan ‘Sakhi chal bi a awm ve châwk a

ni, naktukah pawh a ḥianpa Telpui zawng hian Sakhi chal chu a vak rak rak mai ang,’ tiin a chhang mai a. A hnu deuhah chuan, ‘Satel leh Sakhi hi an inkawm-ngeih riau mai a, thawnthu a Rulpui tui an inzuan kahlen siak aṭanga inkawmgeih tawh kha an ni ang,’ tiin a han sawi zawm leh a. An nui ta dar dar mai a. A tukah chuan Sakhi chal a Satel phurh hawn tak zawnga lo vak vel lai chu a ravn kap leh ta chiah mai a ni. Pu Thangdailova hian Nghavawk (sangha) tawmna pukah hian Aikam pa (chakai) hi awm ve chawk ḥinin a sawi bawk a. Sakei (Keipui) ram tla erawh chu ka hmu ve ngai lo, a ti tlat mai thung.

A ramchihuah dawn hian a inbual fai hmasa ziah ḥin a mahse sahbawn a hmang duh ngai lova, chingal a hmang mai ḥin. A mit fiah ḥa tawka a hriat loh pawhin damdawi (eye drop) hmang lovin vai hmarcha hmin pawr ḥa tak hi a hmet dup liak a, chu chu a mitah a sawr mai ḥin a, ‘Tha hle in ka hria’ a ti.

A tlangpui thuin pasalṭhate hi, an hun tam zawk ramchihuah nana hmang ḥin an nih avangin, thlawh-hma lamah an pachbe duh hle ḥin a. Pu Thangdailova thung erawh hi chu buh leh balah pawh khaw khat pa haus a nih a tling tho mai. In lam leh ram lamah thang a chhuah tawn ve ve a. Kum 71 lai a nih tawh hnua a fate’n an awm bosan hlan pawhin amahin buh phur 200 a la thlo chhuak thei a ni.

III

PASALTHA DUMBAWMA KAMCHHUAK

Sai kap tam a an sawi, pasaltha hmingthang, DUMBAWMA hming hi khawthlang lam thanghluiho zingah hre lo an tlem viau awm e. A mah hi Tuikuk hnam a ni a, Pu Zoduha Ex-MLA bian ka pu a ni e tiin min hrilh nghe nghe a ni. A pianhmang leh a hmel landan chu pa laihawl, êk bathlar sang thlerh thlawrh, vun dum thu deuh that hi a ni a. Mizo ṭawng pawh a thiam hle a, a vanglai chuan a hming a thang hle a ni.

A hming tithang lehzualtu chu Sakei lian, bak buk chhur mai a kah chu a ni a. Dumbawma'n Sakei-baknei a kap tiin an sawi thang nasa mai ṭhin a ni.

Naupang ka la nih laiin vawikhat chu Hriphaw khuaah a lo zin a. A khawlai kal chu tlangval thlasik zing ni lum ai te chuan an lo hmu a, ‘Saw saw Tuikuk pasaltha Dumbawma an tih chu a nih saw’ tiin min han kawhhmu a.

Tichuan Lal khawnbawl, Pu Zuliana Ina a lut chu kan va fin ve a. Tlangval zinga pakhat chuan, ‘Pu Dumbawm, Sai sawm i kap tawh ang em?’ tiin a han zawt thâwr mai a. Dumbawma chuan, ‘Naute u, Sai sawm kap te chu Sai kap a sawi tham kan ni dawn em ni?’ tiin nui deuh hak chung hian a han chhang a.

A hnuah chuan, ‘Ka silai hman te a ṭhat ṭhin loh em avangin mite min sawi ang em hi chuan Sai hi ka kap tam lovang. Tin, Sai sa hi kan ei ve ngai meuh loh avangin Sai ngoh nei lo phei chu, min kah sak rawh an tin chang chauh a kap ṭhin ka ni a, a ngoh nei hi ka kap ber zawk a ni,’ tiin a han sawi leh a.

Tlangval-ho chuan, ‘A nih Sai i kah hian a eng laiah nge i kah ṭhin?’• tiin an han zawt leh a. A ni chuan, ‘Ka sawi tawh angin ka silai hman ṭhin te a ṭhat loh em avangin a sa huat taka kah fuh loh chuan Sai hi chuti maiin an thi lova, chuvang chuan a sa nem lai leh a lung pawh theihna hnai ber, a zakdawh ah hawlchilh deuh thawin ka kap ṭhin a ni,’ tiin a han hrilh leh a.

Tlangval-ho chuan, ‘A zakdawh a kah chu a va har-sa duh awm ve maw le! an lo ti a. Dumbawma chuan, ‘In hriat tawh angin Sai ka pel chuan Sai-rual zinga a ngoh nei hi ka thlur bing ṭhin a. Sai ngoh nei chu a kawlh pawh an lo kawlh deuh bik ngei a, ka rim an hriat phei chuan a pachal chuan min zawng nghal a, chutia ka lam hawia a lo tlan veleh chuan a lam hawiin ka tlan ve that mai a, Sai hi an inher ve that that theih loh avangin ka pelh veleh ka lehhawi a ka umzui a, a pen zawnga a zak a han kau remehan veleh a lung pawh ngei turin ka kap ta ṭhin a ni,’ tiin a han chhang leh a.

I Sai kah dan chu ṭuan ṭhat ava ngai dawn ve maw le! ti a an han fiām zuina chu Dumbawma chuan, ‘Patling inring ren rawn ṭuan chu ramsa ṭuan aijia a rang zawk,’ tiin a chhang leh zaih mai baw k.

Chumi zawh chuan a Sakeibaknei kah chanchin an han zawt leh ta a. A sawi dan tlangpui chü hetiang hi a ni. Tumkhat chu Teirei phai ramngaw chhah dur khup mai hnuiah Sai a pel a, chu a Sai pelh chu ngoho tha tak mai leh kawl deuh mai hi a ni a. Rim leh thawm ri rek a hriatna lam apiang mai chu a phim kaw duai duai zel mai a. Mau hmun chhah thim laite pawh chu a phin seu eng vek vuk mai a ni.

Chuti khawp a Sai thawm nā leh lian a nih avang chuan a veh vel danah Dumbawma pawh nidang ai-in a simkhur zual hle a. Chutia simkhur leh uluk taka a veh mek lai chuan Sai chuan Dumbawma lam hawi chuan a rawn phin ta thuai mai a. Chu-tah le, a lo ngaihtuah tel reng reng loh Sakei lian lutuk tak mai hi Saiin a phin rual chuan Dumbawma hmaah chuan a rawn leng phei ta duai mai a. Chu Keipui chu Sai lam hawia position lain a awp ta suai mai a. Rum deuh ngul ngul chung chuan a mei sei pui mai chu a ti che ta ngual ngual mai a.

Chu Sakei lian hruanghrau pui mai chu Dumbawma'n a han enchian cbuap a thaueh a man a, hlauh pang-nai mai pawh ni lovin rapthlak a ti tak meuh mai a. Chutianga Sakei lian leh rapthlak chu ka la hmu ngai lo a ti hial a ni.

Sai kah tuma a ngaihtuahna zawng zawng chu Keipui chuan a rawn luahlan ta a. Engtinne ka awm tak ang ti a inngaihtuahin a bieng chuk chuk mai a. A han kah dawn chuan kah thi hzawh loh a hlau si, a han kah loh lab chuan Sai laka a intpiar fihlim theih

thin angin chu Sakei lakah chuan a inthiar sihlim dawn lo tih a hre chiang bawk si. Khawnge, a nih piñ ka ni mai ang tiin a pasalthatna rilru zawng zawng chu a han sawm khawm a, Sai kah nana a silai mupui leh zen a thun khat tha tawk elh awlh chu, Sakei thluak pawh tur ngei mai chuan a han cheh puah tir ta dur mai a. Keipui chu a zuang sawn durh a, a na tuar mangang leh thinrim chu a habum ta dur dur mai a. Chutih lai chuan Dumbawma pawh chuan awthamun sawnin a silaimu a thun leh sawk sawk a. Keipui huk thawm a reh hmu chuan sumkhur fahran mai hian a va thlithlai ta a. Chu Keipui lian lutuk tak mai chu thin a va hmu ta zuah mai a ni. Chu Sakei hram rapthlak tak thawmah chuan Sai pawh chu a insaseng ta bawk a.

An sawi dan chuan he Dumbawma kah hi Sakei danglam tak mai a ni a. Sakei pangngai hi chuan ke zungtang hi pali an nei thin a, a ni hi chuan ke zungtang panga a nei a. A beng hnung, a tukkhum sir tawnah sialki ang reng himul bukpui mai hi a to ding chhur mai a. A hmuihimul pawh sei khawng khauh leh briam tak mai a ni bawk. A len lam pawh sum sawm lai a ni a, a lu pawh arbawm tiat tih ngam khawpa lian a ni.

Sakei danglam bak buk chhum mai a nih avang hian Dumbawma'n Sakeibaknei a kap tiin an sawi thang nasa mai thin a. Mahse Sapin Sakeibaknei (Lion) an tih ang hi chu a ni lo. Mizovin Sairâl ti a an sawi thin Sakei lian chi a nih an ring ber. Hman lai chuan he Sakei lu hi khawthlang Darlak khuaah khuan an tar thin a ni.

Hmanlaia Kawlha, mihring thah avanga ram pilril a tawmbo ṭhin pawhin betiang anga rapthlak Sakei lian hruanghrau hi a hmu a ni. An sawi dan chuan tuk khat chu Kawlha hian mihring hlauva a tawm bona ngawpui karah mak tak tako Sairual bram chik nghur nghur hi a hria a. Engti dan nge ni teh reng ti a hriat dubin a va en ta a. Sairual chu hlau mangang chik nghur chung chuan an lo inzui duah duah mai a. Kawlha'n a han en chian nak chuan an sir Bung thing lianpui mai kakpui hniam laiah chuan Sai thlawp thuak khawpa lian Keipui hi a lo bawk ṭial dun mai a. Chu Keipui hlau kal ngaihna hrelo Saiho chu an lo kal khur zawih zawih mai hi a lo ni a. Chutiang anga Sakei lian leh rapthlak chu ka la hmu ngai lo Kawlha pawh hian a ti e an ti a ni.

IV

THUAMCHAKA THUKHAWCHANG

Chhinlung chhuak zinga mi chak danglam tak mai lo piang THUAMCHAKA an tih mai hming kha Mizo zingah a hre lo kan vang viau awm e. Khual thuthang leh âr pan chuk a pûn e an lo tih thin angin a chanchin an sawi than dan kha a makin a dangdai hle a. Zofate tihmingthangtu pakhat chu a ni ve reng reng a ni.

Eurma ram Khampat leh Manipur – Lamka ah te a khawsak lai phei chuan a chanchin an sawi than dan a makin a rura zual hle a. Mitthi tharlam an awm zan hian an thlan a hai a, an thin leh lung a ei sak thin ti tein thenkhatte phei chuan an sawi thang thin a ni.

Vawikhat pawh a khualzin kawng kal lai Manipur-a Gunda rualin suam tumin an lo shock ngawt mai a. Thuama thinrim lo er chhuak chuan an zinga pakhat malpui chu a kut zungtang tlum dawk khawpin a han tham sak ta mai a. Chutah le, kan mi suam tum hi mihring a ni lo ‘rammi’ a ni tiin an inhrilh a, blau baklengin an tlanchhe ta mai a ni an ti.

Khampata a awm laijn thlanlung lian zet mai hi khawtlângin an zawn a, khua a nal avangin thlan hmun an thlen thei ta lova, khaw that huna la zawn that leh ah tiin kawng sirah an riah ta ngut mai a. A tuka an va en leh nak chuan chu lung chu thlan hmunah a lo awm sawn daih tawh mai a, mak an tih thu an sawi ta huai huai mai a. Thuama'n zanah mi briat loha a put sawn a nih ngei an ring a ni.

Tum khat pawh Burma-a a awm lai vekin Custom Duty Officer pakhatin a Jeep kawrah a ti tâng a. An mangang tih ngaihna hre lo chuan ṭanpuiah Thuama an sawm suh hlauh mai a, sawi set set lovin an motor tâng chu a chawi chhuah sak lawp mai a ni an ti.

An sawi leh zel dan chuan Thuama hian Jeep phur khat mau hi vawikhatah a suan zo vek thei a. An theih ang tawk a tam, a kokia an chhuan sak hnuah a dang a bân leh lamin a han kuah khawm Ich a 'Hawh u le' tiin a han chham a, a kalpui duak mai a ni an ti bawk.

A taksa leh thir hi in hal riau in an sawi tlat mai bawk a. Manipur-ab chuan Thirsakawr hawh phal pawh an awm lo an ti hial a. Thuama chuanna tawh Thirsakawr chu a chhe ngei ngei a ni an ti.

A pianphung leh a ruhȓel pawh danglam bik tak mai niin an sawi ṭhin a. Ban ruh pakhat chauh nei a, a nâkruh pawh iñvuah hrang thlih thlih ve lova tlêp thla pur mai bik niin an sawi ṭhin a ni. Thiam thil dang pawh ngab hle in an sawi ṭhin bawk.

THUAMA AIZAWL-AH

He mi mak danglam tak mai hi kum 1965 kum tawp lâm khan Pu Kawlmena, Aizawl Thakthing Bazar a mi chuan a thiam thil leh a chaknate mipui entir turin Aizawl-ah, a chah chhuak rup mai a. A chanchin an sawi than dan a rura ṭhin bawk a, Aizawl a lo thleng chu mipuiin an hlut nasa ngei mai. Vengthlab an sawi huai huai mai a ni.

A chanchin an sawi than dan a dangdai ṭhin em avangin kei a kar pawhin belchian duhna ka nei han hle a. A lo thlen tuk zingah Pu Kawlmenate inah chuan ka kal ta a. Ka kal hma hle nain ka thlen chuan kei aia kal hmasa ten an lo kil bial laih tawh a. Chutih laia Zoram inbuau chak ber Lalkulha pawh a lo awm ve kuk tawh a ni.

Thuamchaka bulah chuan ka han thu ta a, a kum zat leh hriselna dînhmunte ka han zawt hmasaber a. Kum 58 a nih tawh thu leh kawng herh avanga Damdawiin aṭanga a chhuahna a la rei loh thu min hrilh a. Aizawl a lo thlena a rilru awmdan ka han zawt leh a, a ni chuan ka lo beisei phak loh in mipuiin min lo hlutsak a ka lungte pawh a chhe rum rum a ni. Kei upa lamah pawh inherh silawng tawh leh nghal hian an beisei angin hmuhnawm pîwh ka siam sak thei tawh ngut pawhin ka inring lova, ka vang ve lai ka ngai hle mai tiin min chhang leh a.

Chumi zawh chuan, ‘Khawnge, mi chak hmingthang Aizawl hial lo zin tleng ta chu ka han bel chiang teh ang che ka han ti a. A âwm len zawng teh a remtih leh tih loh ka'n zawt nghal a. Leh ta che a ti a, a lo ding chhuak nghala. Ka teh hma chuan ngun deuh mai hian ka ke ler aṭanga ka chhip tlengin mi a han thlek hmasa a. Tîchuan, a âwm chu ka han teh ta a. Ka tehna hrui chuan ka âwm ka han teh ve leh a, kan intiat chiah mai a. Ka bula awm Lalkulha, Zoram palian inbuau chak chuan min ko fal a, ka âwm hi han teh ve teh a ti a. Ka han teh sak chuan Thuama ai chuan a lo lian nasa mai a.

Lalkulha chuan zawi sup hian, 'Nimin tlai khan ka teh a, kan intiat tlat a ni, va teh tha leh teh a,' min ti a. Ka va teh that leh chuan a ngai tho a ni a. Lalkulha yek chuan, 'A tehtute tiatin a awm thei zel e an tih chu a lo dik ngei a nih bi,' a ti thawp ta sut mai a.

Ka han bel chiang nawn leh a, 'Khawnge banruh leh nakruh pakhat (tlep khat) chauh a nei e an ti che a, ka han khawih sak teh ang che,' ka han ti leh a, Ka han khawih lai chuan, 'Ka nakruh a tlep te'n tui in tur pawhin ka kun thei na'ng,' a lo ti a. An sawi ang em chuan bən ruh pakhat leh nakruh tlep khat chu a lo nei bik lova. Amaherawh chu, a ban ruh leh a nakruh te chu mi pangngai banruh leh nakruh ai chuan a phek blai in ka hria. Chiang-kuang vak lova khawih sak tute tan chuan banruh leh nakruh pakhat neia sawi mai pawh a awl viau ang. A banpuam chu ka'n hmeh sak leh a, a nem niak mai a. Mi chak ban si ava nem deuh ve maw le! ka han ti leh a. Chutah a ban chu a ti sawi hluau hluau a, han khawih leh teh min han ti a. Lungtat phum ang mai hian a ruh ta tlat mai a, a malpuite pawh chu chutiang tho chu a ni ta mai a. Mak ka ti khawp mai.

Dingkhawr nge i nih veikhawr tih ka hre thei ang che min ti ve thung ta tlat mai a. Dawbkanah chuan min han khâp tir a, dingkhawr i nih hi min ti dik chiah mai a. Engtinng i briat theih tiin ka han zawt leh a. Kan hman thiam lam khâp bi chu chhete bian a thui a, ngun taka en chuan a hriat a harsa lo a ti ta mai a.



THUAMA'N ZAWHNA A CHHANG

Chutia kan inbawlzan zawh chuan zighthna an zawt ja, naik, pak mai a. Chung an zighthna leh Thuama' chhangna ka la hriatengte chhu : (Z = Zighthna T = Thuama)

Z : Khamvel jinchai chak Dara Singh neñ hian inbei dawn tā ang ula i breh em?

T : A tul miau chuan breh hleih theih pawh a ni lovang a. Amaherawh chhu ka tha hi chhuak ve zung zung thei a ni lova, ka tha chhuah hma a min man vah chuan.....leh pawh ka ti hmang lo ang a, bang den nan min hmang chawrh mai ang. Mahse ka tha a chhuah ve hmana a khawilaiah emaw ka man suh ve phawt chuan awlsam tak chuan a tal chhuak mai bik lovang.

Z : Lawi sual leh Bawng kawlh te i sâwi (hrem) thin tih kan lo hria a, sâwi an harsa thin em? An han tal vel thahrui neih dan eng ang nge?

T : Lawi leh Bawng sual sâwi thatah harsatna tch-chiam ka tawk ngai lo. Ran reng reng hi an ki leh an beng hi na takin han hmer kawp ila an tal ngam ngai lova. Bawng leh Lawi ka man tawhi te ab tal ngai thin loh avangin an thahrui neih dan awm pawh ka hre lo.

Z : A hreiha zawngin māu a zung chawpiñ a pawt phawng mai thin e ah ti che a, tak tak em ni?

T : Hei hij zawng hmahmawh thil a ka thianga Chalkhumä nepa kan han tih mai a ni a. Ka thianga kha a chak hle a ni. (A sawl tam lo)

Z : Sipai Rifle (sīlai) a kaw hmawr lam atangin kut khingkhatin a sum kang zo ve an ti che a, tak tak a ni em?

T : Hei hi chu, vawikhat sīpāi-ho' vak vel kan inah an rawn chawl a, an chawl h lai chuan pakhat in a Rifle kua a hawl fai a, a kaw chhung awmdan en ka han dîl a, nau ka hmathlak avangin kut khinghnih a lek kân a rem si lova, kut khingkhata a kaw hmawr atanga lek kangin a kua ka bîh sak a lawm maw le.

Z : Paihte Liana nen an inbei e an ti che a, in inbeih dan min hrilh thei ang em?

T : Paihte Liana te khua leh kan khaw tlangval ten Lawi an insik tir thîn a. Nakinah chuan Lawi insik tir mai an duh tawk ta lova, chak leh chak inbeih tir ang u an ti ta a. Keia pawh chu Pathete Liana bei tur chuan min rawn sawm chamchi ta mai a. Chunglai chuan ka la tlangval bawk a ka' tha hi a'za et et reng mai a. Mahse duh lo leh hreh em em awm ang hian ka inlan tir tlat a. A tawpah min kar chhuak lui ta a. Ramri kan va thlen chuan khaw lehlam pawh ramri lui kam lehlamah chuan an lo awm' thup tawh a. Ramri luiq intawk tur chuan an mi chak Paihte Liana chu an rawn chhuah phei a, kei pawh ka phei ye ngal a. Mahse kan intawh hma chuan Paihte Liapa chu nungchang tha tak mai hian lungpui chungah chuan a thu ta tlat mai a. Min tawk hmasa phawt rawh se tih rilru pu-chungia a hmel chu'ka han en chiang a, mi ngilnei leh zaidam mi pawi sawi ngai lo hmel hi a pu bhiab hliah mai a, min tawk hmasa tu nih

a duh loh ang bawkin kei pawhia tawk hmasatu nih harsa ka ti a. Kan inbei taño a ni. Inbei anga kan lo thang chu thu thang sual a nih chu! Hmuh zawng kan inhmu teh meuh mai.

Z : Heti khawpa chak si engatinge hman hmana i chakna leh i thil thiamte mipui i lo entir tawh loh?

T : Ka nupui hmasa zawkin intup tlat turin min ti a. I awmdan hi miten mak tak takin an sawi a, a zahṭblak em mai, intup tlat rawh min ti ṭhin a. Mahse a ni nen hian kum rei tak kan inneih hnuah pawh fa kan nei thei si lova. Kan inthen a nupui dang ka nei ta a. Chu nen chuan fate kan neiin kan chhangchhe ta viau mai a. A ni thung hi chuan, 'Heti khawp hian kan chhangchhiain kan harsa a, i chakna leh i thiam-thilte hi sum hai luh nan hman tum teh khai! min ti ta thung a. Tar a lamah ka han inlek chhuak leh bnuhnawh a lawm maw le! Tun a ka lo kal tur pawh hi 'Vawkte man tal han tuak la aw' tiin mi au zui lawm lawm mai.

Z : I fate zingah rawn chhun tur che an awm em ?

T : Hmasang aṭangin kan chhungkaw thlah kal zelāh hian mi danglam bik hi hun engemawti danah an pjang ṭhin a. ka faten min rawn chhun dawn leh dawn loh ka bṛe mai thei lo. Amaherawh chu, ka fate hi an mak khawp mai a, zañ mut dawn hian an tihrawl hi a za sup syp ṭhin a, hmeh zawi sak loh phei chuan an muhil thei lova. Ka awm loh phei chuan an nu hian a hmeh zawi sak zo ve si lova ḡhemthei hian a vuak, reh sak ringawt mai ṭhin a ni. Kan fapa pakhat, tlan thei tawrh

tawrh chuan Uichal hi a hnungzangah a ṭham kang zo tawh a ni.

Z : Aizawl mipuiin an lo hmouah dan che hi eng angin nge i hmuh?

T : Heti khausp hian kan ram mipuiin min lo chawimawi ang tih ka ring phak ngai reng reng lova, ka lungte pāwh a chhe rum rum mai. Kei upa lam lo inherh sil tawh leh nghal biān an mi lo beisei angin hmuhnawm ka siam sak thei ngut tawh pawhin ka ring lova, ka vanglai ka ngai hle mai.

A CHAKNA A ENTIR TE

Thuamchaka hian Aizawla a châm chhungin a chak na leh a thiampbil engemaw zat a entir a. Ka hmuh ve te chu :-

1. Thirtiang a hmawr atangin a seh kawh a, bana an chhun bur a hnarin a nawr kawi bawk.
2. Buhsai Bag (lmd) a bāin a seh a, a dinpui zo.
3. A âwm, theih ang tawkin an hrēng rek a, a hrenna hrui an suih ngheh Htuah saidawium (Squash um) pathum lai an la fawlh lut thei.
4. An mut zangthal tir a, a âwmah cubic lung au dah a tuboh lianin an chhu keh.
5. A lu a leng tawk thir kual à lu-ah an thûn a, a intite a a ke letab a lá chhusek thei.

6. Rangva tuihawr nei (Aluminium ni lo) hi a pawt thler zung zung thei a. Thingzaia perek (iron hail) au kh n luh pawh a pawt chhuak zung zung mai.
7. Mizoram thing zinga thing pil sak leh b t nghet ber Batling thing pil hi a liak khawk hlawk hlawk thei.
8. A ngalah thingsak a vaw bung hmawk hmawk thei a. Tum khat erawh chu thinga zawnga nel ber mai Lungli fak hi a vuak tliah tur zingah an lo dah ru a. Chu zet chu a bei rei khawp mai. Tlawm a ngai laklawh tawh si a, vawi tam tak a ngala a vuak hnuah a sawp chhum ta tho a ni. A ngal pawh a duk nasain chhel pawh a lo chhel ngei mai.
9. Zoram inbuau leh sukherh chak Chhundenga, Lianhluma leh Lalkulha ten an herh rawn a an hneh lo tlat. An hlaithlem han ti dawn ila animahni lah Zoram Champion lo ni tawh  thalh, dawta han in ti thangtlawm duh chi tur an ni si lo.
10. Bawngpa herh thlu tur  an tih erawh chu a herh thlu ta lem lova, an sawi duh ble. Heta Bawngpa an tawktarh hi Pu Vana, Mission Venglai bawng, chi thlah tura Sapram bawng an lak hhuah lian tak mai a ni a. Thuama'n a herh duh tak lohna chhan a sawi dan chuan khatiang bawngpa chi tha tih silawng kha tha a ti lova. Chubakah khatiang bawngpa chak han herh thlu tur chuan thi  tha a tan a ngai a, amah lah upa lamah pawh kawng herh nei leh chhangchhepa, fate enkawl tura dam

hrisel ngai zual tak mai a lo ni si a. A tih tute, lam lah, 'I thih emaw ramtuileilo khawpa i lo awm phah emaw chuan iñupui fanaute kan chawm ang e,' ti a intiam an awm bawk si lova, a chai buai duh ting ta lo a ni. Ramtuileilo a ka lo awm palh pawha ka nupui fanaute enkawl sak min tiamtaw awm ngat se chu, ka tha tawp ka chhuah anga bawngpa a thi anga keipawh ka sil-awng leh bawk ang,' a ti a pi.

Thuamchaka bian Circus lam rawngkai a thiamthil dang pawh a entir tam hle a. Thil mak deuh mai pakhat chu khatih hun laia Zoram pa lian, Lalkulha ft. 6 zet a sang quintal khat deuh thaw a rit chu a kut khingkhatin a mawngtamah a chawi kang vu vu thei a. Tin, Lalkulha'n mak a tih ve leh em em thung chu Thuama a intirit em em thei tlat mai chu a ni.

Lalkulha chuan, 'Han chawi tirh chuan a rit vak lova, mahse 'Hawh u le' ti a a han chham zo a han inti rit chu rit tak mai a ni, engtinne khatiang pa ruhkawl an tuh ang chauh mai si kba a rih theih, mak ka ti a ni, a ti thlawt mai.'

Zoram chak Lalkulha leh Thuama hi inbei se ti a rawt tute pawh an awm nual a. Lalkulha chuan puan nena inbuau chu ka duh a, kut lawnga inbeih erawh chu ka duh lo. A taksa bung dang chu ka hre lova, a kútah na na na hi chuan tha a awm a ni a ti hmiah mai.

Ka hriat laiin Thuama hian Lalkulha hnenah hian thu pawimawh deuh mai a sawi a. Thal deuh hu hian Lalkulha chu a han en a, ‘Kulha tuna i sa ɻhatna hi i inzir vanga ɻha a ni lova, i ei ɻhat vang zawk a ɻna chauh a ni. Tukkhuma thlan chhuak dir zawih zawih khawp a ɻang thei tur chuan nasa taka inzir a ngai a ni. Kei pawh ramhnuiah te inzirin thingtuaite hi ka buan chuang chuang ɻhin a, sawi loh sa loh te pawhin min sawi ɻhin a ni. I inzir phawt chuan tuna i chak bak hian i chak thei ang. Amaherawh chu i chakna thahrui i hman hma-in i rilru ngaihtuahna hmang hinasa fo ang che,’ a ti a ni.

V

DAMLAI CHEN NUAM BER – ZALANGA

Mizoram chhim lam, Lunglei District huam chhung Hnahthial khawpui chhak a, Cherhlun khua tlawh tawh te chuan, an kbaw thlen bma Thingsai khaw lam dep a, Damlai Lungphun pakhat, thu dangdai tak mai inziahna lungphun chu in hmuh hmaih hauh-in ka ring-lova. Chu lungphun chu lungphun lian leh ropui tak han tih tur phei chu a ni lova, lungphup te tak te a ni,

Amaherawh chu, chu lungphun hmu tawh leh chu lungphuna thu inziak chhiar tawh te reng reng chu lungngai bmel pu an awm ngai lova, vui hmui pawh an pu ngai bawk hek lo. An chhiar zawh chuan ha tha deuh te ha a lang vâr sar a, ha chhe deuh te ha pawh a lang bal sau zel mai a ni. Pastor-te meuah pawh chu lungphun hmaah chuan an inhmuamup lutuk bik ngai lo.

Chu lungphuna thu inziak chu nula leh tlangvalte mittui ko chhuak thei hial khawp a thuril leh lunglen thlak phei chu a ni lova, ram leh hnam hmangaihna thu emaw Kalvari tlâng hmangaihna lam thu emaw pawh a ni bawk lova. Mahse heng thu ropui ber berte khak buai thei thu chu a ni si lo a ni. Chu thu chuan mi tumah a pawng nek lova, a phûtin a fuih bawk hek lova, kan Literature lama mi thiam sangte tan pawh Figure of Speech an tih zinga a eng bera han keuh tluk tur nge ni ang tih ngaihtuah tham fe tur niin a lang bawk si a ni.

Chu lungphuna thu inziak chu thu tawite 'ZALANGA SANGHA MAN THEI NO. 1, DAMLAI CHEN NUAM BER' tih chauh a ni.

Tunlaia kan thangthar nula leh tlangval outlook zau tak tak te hian he lungphun a thu inziak hi han chhiar ta ang se, 'Sangha man thei No 1' tih an chhiar lai chuan World Olympic hla mawi lar tak mai, TO BE A NUMBER ONE tih hla kha an hriat chhuah ngei a rinawma. Mizo zinga Number One claim ve ngam pasaltha kan lo nei hian an thin chu ti riimin ka ring lo.'

'Damlai chen nuam ber' a han inti ngat mai erawh hi chuan an ngaihtuahna a hruai thui viau in ka ring a. Thenkhatte phei chuan itsikna thinlung pu-in an thin pawh an tiur hial mai thei a ni. England Lalpa, Henry VII meuh pawhin Dee luikam a mil-ler pakhat 'I envy nobody, Nobody envy me' tih hla ring tak tak a sa thintu chu a hua a, a itsik bawk anih kha! A hnenah kalin, 'Mi tumah ka itsik lova, Mi tumahin min itsik bawk hek lo' i tih hi a dik lo hul hual a ni. I hlimna ang hi kei, England lalber pawh hian ka nei phak lova, ka ram leh a chhunga hausakna awm zawng zawngte pawhin an lei phak bawk hek lo. 'Ka itsik che a ni' a ti thlawt mai a nih kha!

He damlai lungphuntu Pu Zalanga hian Khuau tuahrem sa damlai tawite hi a hmang thiam a, khawvel rualawhna tuilian chu lo so phul but but mahse a thil duhte a neih theih loh pawhin a thil neih te a duh thiam a. Chantawk khuarella a lung-

awina chuan nun hlimna khurah a hruai lut a, chu chuan khawvel hnehna nun danglam tak a neih tir a, a suangtuahna khawvel zau takah chuan Cham-pionte champion a lo ni thei ta a ni.

Mi hrisel lo leh bawrhsawm te chuan damlai an chen nuəm thei lova chuvang chuan he lungphun bian Pu Zalanga chu pa hrisel, dam chhung khaw-sak ei leh bar ngaihtuah buaina ten a chim phak lova lêng ḥhin a ni tih a puang tel nghal bawk a ni.

Kum 1972-ah khan Cherhlun khua hi va tlawhin Pu Zalanga hi ka kawm ve a, kum 75 mi lai a ni tawh a, mahse a la chakin a aw pawh a la pawr ḥha hle a. Cherhlun Baptist Kohhran Biak In bulah In a nei a, amab hi Fanai hnam a niin kum 1917 a Mizo tlangval French ram kal zingah khan a tel ve nghe nghe a ni. ‘Damlai chen nuam ber’ i inti bawk a, French ram in kal laiin sap nula te hi i lo chen ve reng em ni? tiin ka han zawt fiamthu a. Vaibel peta lehlam hawi deuh ngat chung hian, ‘E khai, sap nula mal var pui puite chu ka thangchhuah-na maw le?’ tiin min chhang pawr hlar mai a.

Cherhlun a ka cham lai chuan tlai khat chu, ‘Pu Zalanga Tiau kawngah a chau e,’ an ti mai a. A lam turin a chhungte an kal nighal vat a. A chauh chhan, a chau lai hmutute ka han záwh chuan, ‘A Nghabawng dawhah Nghavang a tla hnem deuh a, amati upá lam a ni tawh’si a, a rawn chauhpui a láwthi maw le! tiin min hrilh a. Ka rilru chuan, upá kum 70 ral kai i nih tawh hnuah pawh chauhpui khawp sangha i la man thei a, Sangha man thei No. 1 inti tur zawng i lo nih hi ka ti a.

Pu Zalanga hi lui kal hrât leh sangha man thei tak e ti lo chuan tuihleuh lam chu a ti thei thung der lo. A zir bian a zir chhin lo reng reng a ni an ti. Tuilian khauh tak tak pawh lungtum hi a pawm a bleuh lo hian a dai kai mai thin. Tuilian hi a mawngah chuan a nem dam duai mai a ni a ti. Tui chbunga thawk lak dan a thiam thung a chuvang chuan tuilian pawh a pawisa teh chiam bik ngai lo a ni.

Hman deuh lawk khan Cherhlun khaw VCP Pu Hrangdawla nen Aizawl-ah kan inhmu a, Pu Zalanga chanchin hi ka han zawt a, a thih tawh thu min hrilh a. A thih chhante ka han zawh leh chuan Pu Hrangdawla chuan, ‘Tar thi a ni ber mai e,’ a thih dan pawh a mak khawp a sin tiin a thih dan hetiang hian a sawita a. ‘Tar hnungzang kul, tiang hawla kal kun khau khau tawh kha, a thih dawn chuan a khumah a zangthal hian a mu tlawn ngil leh thei a. ‘Khai le, ka kal a hun dawn ta, min han khuh tha rawh u le,’ a han ti a. Kan han khuh fel zawh chuan, ‘Ka fei leh ka chemte luzum kha ka taksa depah hian han dah rawh u’ a han ti leh a. Engatanne i tih ti a kan han zawh chuan, ‘Mitthi khua ka thlen veleh a ka naupan laia min tiduhdah thin tu chhun nan ka hmang dawn a ni,’ tiin a sawi a.

A fei leh a chemte chu a taksa hrulah chuan kan han dah ta a, a ban ngil taka thluanin a taksaah chuan a chep bet a. Chumi hnu chuan, ‘A tawk ta e.....nakinah ka mit leh hmuite siam that ngai lo

turin ka'ni awm nghal ang e,' a ti a, maimitchhinga a hmui chip chuan a mu ta a. Reiloteah a thaw a tawpa thihsual pawh nei lovin a damlai nūn chu a lo tawp ta a ni,' tiin Pu Hrangdawla chuan min hrilh a. Hei bakah Pu Hrangdawla' chuan mitthi tur a lo dawm hlum ve fo tawh zingah Pu Zalanga thih dan anga thi hi a la bawisawm ngai loh thu leh mak a tih thu a sawi ch̄huak hial bawk a ni. Pu Zalanga nge nge, a vanglai leh a thih thlengin damlai zawng a lo chen hrehawm lo ber nge nge an ti theuh blawm a ni.

VI

LALBER PU SAIA KHA

Naupang Zirlaibute pawh a 'Pu Saia suindawng ang' ti hial a thu zirtir neite zinga an lo chuan tir ve tak ṭobul, Pu Saia thu leh hla kha i han ngaitlak ve thung teh ang. Amaherawh chu, chanchin a ngah em avangin sawi vek sen a ni dawn lova, chuvangin a then a zar chauh ngaitlak turah in dah hmasa ilā a ṭha awm e.

Amah kha Mission Veng, Aizawla awm ṭhin hi a ni a Zeiram mipui mimir hriat thaín khawpa pa lar leh dangdai tak mai a nih avang khan tun tlengin Politician leh Pastor-te pawhín an thu sawi tih chian nan a mizia leh a ṭawngkam kha an la lek lar ṭhin a ni.

Amah tak kha chuan Saia inti satliah mai lovin LORD ROBERT PU SAIA a inti kher ṭhin a. Sipai nunchan zira German ralte pawh lo Zuk rûn ve tawh anih avangin sipai Uniform hi a ngaina ble a. Englai pawhín kekawr hring leh kawr hring hi hain Cross Belt a hréng a, lukhum hmathlawk General lukhum anga chei hi a khum ṭhin a, a awmah Tangkapui (medal) chi hrang hrang hi a bel tlep tuar mai ṭhin a ni.

Tun hmalam Indopui II lai vel, Mizoten chanchinba chhiar tur leh Radio ngaitlak tur kan la neih mumal ve loh lai kha chuan Pu Saia thu leh hla hi a dik emaw diklo emaw, boruak siamtú a ni ṭhin a. A ṭawng peih bakah ṭawng bungrua a ngah a, a aw

rawl a zawi tehchiam lo bawk a, a thlen chin leh a lênnä In a hriat theih hle thin. Tul a tih hunah chuan Khasi tawng leh Vaiṭawng mäk tak tak te pawh a phawrh chhuak thin.

A naupan lai pawhin Pu Saia kha naupang huaisen tak niün an sawi bawk a. Vawikhat pawh a bawngpa Sakeiin a seh a, 'Saia i bawngpa Sakeiin a seh' tia an han hrilh nak chuan, 'E-e-e a ti a, Sakeiin a bawngpa a sehna lamah chuan a tlan vang vang a, Sakeiin a bawngpa a lo pet dur dur lai chu 'khawi' tih leh a bawngpa bawpa pawh a han rual nghal chat mai a. Sakei chuan zah a lo ngai a, a kalsawn a, Saia chuan a chhuhsak der mai a ni an ti.

Indopui I a French ram a Mizo tlangval sangkhat rual an thawn thlak dawn lai pawhin A.R. Lammual ah kal tur te an thlanna ah a intlar ve a. Kal tur thlangtute chuan, 'Nang chu i upat tawh bakah i ha-te pawh a bal tawha, lo va kal kiang rawh,' an lo tih ngawt mai a. Pu Saia chuan thinrim tak mai bian, 'German ral chu a seh a seh tur em ni an nih? Laipuimu atan tal ka kal ve ang. German pa pakhat ka denhlum chuan a tawk,' a ti ta rep mai a, A huai em mai, i kal tir ve ang u an ti a, an la ve ta ngawt mai a ni.

German ral rûn tur chuan French ram chu an zuk kal ta a. Vawikhat chu Mizo tlangvalho an dah khawmna hmupnah bian lebkha ziak lianpuj puj hi hmuu hpihab aŋ lo tar kulk mai a. Mizo tlangvalte chuan an han chhiar a, pakhat chu 'The reng man in that sah' tjin saptawng bijen an han chhiar a.

Pakhat pawh chu 'Tui rencher' ti hian an chhiat theuh bawk a. A awmzia hre lovin an bangbo map mai a ni. Chutih lai tak chuan Pu Saia chu a lo thleng ve ta a, 'Khang lehkba tarte kha chu, 'Thereng manin that suh' tih leh 'Tui ren tur' tih a nih kha a rawn tihsak ta mai a. A lo ni reng tak mai a! an ti nak nak e, an tia lawm!

French rama Mizo tlangval zuk kalte hian ral ramah kum hnih hmel an zuk hmu ve hman a. Hlawhte an neib avangin an lo hawng lam chuan pawisa pawh an rawn kawi hawng ve hle a. Chuta an pawisa hawnte chu Pu Saia chuan sumdawn nana hman tha in a hria a. Hringchar (Silchar) an lo thlen in Sahdah kau leh sabawn te, chithlummum leh kawrte sum peipun nan a lei ta a. Aizawl a thlen hnu chuan dawr a han kai ve ta ngei mai a. A dawr han kai tir chu a dawr a lun hle a, a thil zawrh hmu duhin, apuianawi, atarazur thlengin, an bawr luai luai mai a. Amah lah mi rilru lian leh pa thilphal tak mai a lo ni bawk si nen! Amah ngamtlaktu hnaivai deuh apiang mai chuan, 'Ka pu i sahdah hi a tui em, ka lo hmuam chhin, i chithlum hi a thilum em, ka lo ei chhin an ti awl lo mai a. A ni lah chuan, indona chanchin a sawi kar lakah 'Hmuam rawh u, ei chhin rawh u' a tih tuah hem thei reng mai a. Kawr leh thawmhaw dang a zawrh te pawh chu, a chunga tha leh a ti ti ngaithla peih apiang mai chu, 'Lo ha ve rawh u' tjin a sein deuh reng mai bawk a.

A puan leh a kawr tlem a zawng, naupang a han suk tir lah chuan an sahbawn hman baing la lian tham tak te chu, Pu Saia'n, in sahbawn hman bang

eng atan nge ka tih ang? Nei rawh u, a ti zel mai hawk a. A sumdawng chu reiloteah a dawng hla ta thak mai a, ‘Pu Saja sumdawng ang’ tih ṭawngkam chherchhuah nan hian an rawn hmang ta a ni.

Hetia a sumdawna a lo tawp tak hnu hian han thar thawh leh lam chu a ngaihtuah zui lo hle a. A sum leh pai leh a dawr bungraw riralna chu Vaihmie seh tlukah pawh a ngai lova, a hrik an ti thak tham lo. A hmelma pa Hitlera zeterawh chu a engto nasa hle thung a. Hitlera pawh ti tha duh lovin ‘Larmawni’ a ti mai thin a ni.

Hitlera hua-a a thinrim han inhrosa tak tak chu, ‘Thawk lawka Larmawni leh a hote hi chu man khawma an ngal zum saka pal bana sawh phun nghauh nghauh ah a nia ka duh,’ ti tein a âng na hle thin a. Hitlera leh a hoten Vanram an kal loh tur zia thu pawh hetiang bian a sawi thin. ‘Vanram a lut turin an han kal ve rawk ang a mahse Gabriela hovin an lo tlawh thla ang a, rip mawng nei lovah (leilawt), an tla zui leh ang a, hnusai lam aṭangin hmarcha pip in an lo ur leh si dawn a ni,’ tia sermon ropui tak a tlak thin.

Pu Saja hi pa fiamthu duh tak mai a ni a, mahse fiamthu a sawi laiin a mitmeng leh a hmel put dan a tidanglam ye ngai lova, a buh hmin tha sawi hmiah hmiah tho mai a ni. Vawikhat pawh Aizawl bul Serlui aṭanga Vailui dung a rawn zawh chhoh thu hi a sawi a: Vailui lengkir sâng a hel mek lai chuan a hmaah Keipui llian deuh mai hi a kal bu ve nghut ngbut mai a, lehpeib a ban tum lah chuan kham

kar kawng chu a zimin mi pakhat kal theihua chauh hi a ni si a. Nakinah chuan, a tia lawm, Keipui mawngah chuan ka han beng thuk thuk a, a lo lehhawia, sahdah ka han theh a, a nui vur vur a, chutih lai chuan a sirah ka inzep chhova ka lehpehl thei ta a ni,' tiin a sawi riap mai a ni.

Vawikhat dang leh pawh Hitlera hote nena an inbeih dan a han sermon leh hlak mai a. Tan pawh a lo la nasa ve hle a ni. 'Hitlera hote chuan min rawn kahrawn ta chiam mai a, ngunhnam hmangin ka lo inveng a, silaimu lo' sūr phei chu ka lo vai thla zung zung mai a. Nakinah chuan ka ngunhnam chu a tliak ta hmawk mai a, kut lawnga inven a ngai ta a, an silaimu chu ka lo beng thla leh zung zung mai a. A tawpah chuan ka thin a rim ve ta a, an silaimu min rawn kahna chu ka hum khawm a, an kulh vawm nan ka han hmang let ve ta tak tak mai a. An kulh chu ava deng puak ta ulh ulh mai a, min tibblum te chu khawilam, an kulh chawpin an puak darh ta vek a ni,' a ti tiap mai bawk.

A upat fe hnuah pawh naupangho hian a ti ti ngai-thla chak hian kan bawr laih laih reng mai thin a. Ramhuaiho nena an inkawm thu pawh main hrilh tui hle thin a ni. Nizan chu ramhuai hovin Vailui ralah min zawn phei a, hi a ti deuh reng mai a. Ramhuai lalpa chu Belzibupa niin a khawnbawlte chu Laphukuanga leh Raniruma te niin a sawi a. Ramhuaiho tawngtai ve dan a sawi pawh a mak khawp mai. 'Ka kut hi kut zeng maw? Kut hnapkhir khawng kutpui hnun' te an ti thin niin a sawi. Heng ramhuai hovin Vanram an kai loh tur thu pawh hi a sawi nasa hle a, 'Anni Vanram an kal chuan

khawvel hi mak tiin a tlanchhia ang. Ar ha a ȳim ang a buh a chuk lovang. Kel mak ti lutuk pawhin tui a in phah hial thung ang,’ ti tein a sawi ȳhin a ni.

Tirhkoh Paula'n, ‘Kan chenna lei ni mahsela kan khawsakna van a ni’ a tih ang deuh hian Pu Saia pawh kha a chenna Mizoram ni mahse a rilru chhungirl khawsakna chu Sapram leh Japan ram te a ni dahi mai a England Lal, King George VI fanu Princes Elizabeth leh Japan Lal Tojo-a fanu te chuan a thinlungah hmun an chang sang hle ȳhin. A lung pawh an tilêng viau ȳhin a ni!

A titi leh a thu vuakthlak khawvel thil tak tak ni ȳhin mahse ȳawngtai lam pawh a bei ngawrh thei hle ȳhin a. Zan dar 8 vela a ȳawngtai ȳan hi a han Amen meuh chuan zing dar 3 hi a lo ni dahi tawh ȳhin. ȳawngtai rei lamah chuan khawvel record a break ve phak a ni!

Mahni a khawsa a nih ȳhin avangin a ȳawngtai dawn hian mei a han chhem kai hmasa a. Thingpui a chhuang a; chumi zawhah ȳawngtai a ȳan a, a thingpui so-ah muangchang in a han siam a, a in zawhah a ȳawngtai a chhunzawm leh a.. A ȳawngtai kar lak a zunram a thiari ȳhin bakah a chang phei chuan a lû te a han su fai leh rih bawk ȳhin a. A ȳawngtaiin a tih tur a ȳhulh tir ve ngai lo. A tih zawhah a chhunzawm leh mai ȳhin a ni A ȳawngtai dan hi ‘Pu Saia ȳawngtai ang’ tih thufing siamna tham zet a ni.

A ɻawngtainaah chuan a hmasaberin, khawvel ram hming a hriat zawng zawng a han lam khawm a, Pathian malsawmna a dil sak a. A zighthah khawvel mi ropuite hming a hriat a han lam khawm leh a, malsawmna a dil sak leh hnua Mizoram chhung hrut tawhin khaw hrang hrang hming leh a chhunga chengte hming a hriat ang ang a han lam khawm leh a. Chumi zighth chuan a thenawm khawvenge hming a han chham kai ta a. Welsh Mission hotute leh an rawngbawlpui amah enkawltute erawh chu London atanga a pawisa lokal pe chhuak tha duh loyah a ngai deuh tlat mai thin a. Chuvang chuan a tawp berah an hming lamin, 'Pu Samuela te, Pu John-a te, Pu Liangkhaia te, Pu Pasena te, Pu Zalawra te leh Pu Muka te erawh hi chu(a han ngawi deuh vang vang a).... Mal sawm bawk ang che,' tiin a chham thin a ni. A ɻawngtainaah sawi chhiat tumah a nei ngai lo.

Tumkhhat chu Missionary Sap, Pu Samuela lêng chhuak tur zui a tum lui deuh tlat mai a. Pu Samuela chuan Sikulpuikawn atang hian, 'Pu Sai, nang chu lo kal ve lo mai rawh' tiin na lo te hian a âwmah a han nem a. Pu Saia lungawi lo chu a petek ta.... a petek thla zela Synod Bookroom bula Pu Samuela te chenna Bungalow lamah a petek chho leh a, Bungalow chhunga a petek lut chuan no leh thleng keh thei an dahna Almirah chu a nék thlu ri ta rum rum mai a ni.

Pu Samuela lêng hawngin an no leh thleng keh an lo dah khawm a han hnua chuan Pu Saia chu a han koh tir a, engvanga hetiang ti nge a nih a han

zawt a. Pu Saia chuan, 'Min nam a ka petekin ka su thlu a nih kha,' a ti ta mai a. Sâppui lungfing rilru zau ta na na na chuan, 'Ka thiam loh a ni e,' a ti ta then mai a ni. Petek thuiah pawh Pu Saia hi a duai lo World Record a break pha tho a ni.

Vawikhat pawh Aizawl Tlangnuam Veng hian karin Sakei an tihlum a. Pu Saia'n a lo briat chuan a thin a rim hle a, 'Engatinge London aṭāṅga ka Sa-kei chah chhuah an lo thah ngawt? a ti a ti mai a. Bawng leh Vawkte a seh ṭhin alawm ti a an han hrilhfiah chuan Pu Saia chuan, 'Bawng leh Vawkte chu a chaw ve alawm! A seha a ei lohin enge a ci ang, in ḡhawm peih em ni? a ti dahi mai!

Kum 1953 a Prime Minister Pu Nehru'a'n Aizawl a rawn tlawh ṭum khan Pu Saia hian 'Lal leh Lal chu kan inhmu tur a ni' a ti mai a. Pu Nehru-a hmuah-na Zarkawt lamah a thawk phei ve ngeuh ngeuh mai a. Ni dang aijin Tangkapui pawh a bel tlep tam a, ngunhnam pawh a pai nghe nghe a ni. Zarkawt a va thleng a, 'Khawnge Lal leh Lal chu kan han in-hmu ang e' a han ti chu Police hovin a kal an lo phal ta awzawng lo mai! Pu Saia thinrim chuan a tiang hawl lai chuan a leh vuak ta zawt zawt mai! A ngunhnam a phawi bmain Police pakhat fing deuh mai bi a rawn inrawlh ta blauh a, chu chuan buai-na chhumpui chu a vai kiang thei ta a ni.

Chu Police chuan Pu Saia chu chibai a han buk hmasa a, cbutah zaidam tak mai hian, 'Ka pu, engatiinge i Palace chhuahsan a Vai lal hmu tura i lo kal? Amah hian i Palace-ab a rawn hmu zawk tur

che alawm. I ropuina titlawm suh,' a han ti a. Pu Saia chuan, E le,' a ti a, a hawng ta mai a ni. Kan la naupan deuh avangin kha Police kha tunge a nih ka hre zui lova fing fel hlein ka hria.

Pu Saia tluka Mizoram hi ta neiha neitu kan la nei zen zen hial awm lo ve. Sorkar leh Kohhran-ah te nihna engmah a nei lo chung khan thil diklo a sawisel ngamin a do ngam bawk a ni. Tichereu theitu lakah ramngaw a humhalh ngam a, Forester hote pawh thawk tha lova a hriat chu a hau hrep mai a, midum kawng laite (PWD Labourer) pawh an thawk tha lovang tih hlauin a veng nileng zak peih thin a ni. A lo piang hma deuh kha a pawi hle! Lo piang tlai deuh a sorkar hnate han thawk ve chu ni se eng 'Award' emaw chu a dawng ngei ang a, politics pawh khel ve se Patriotic politician an tih ang hi a nih ngei a rinawm.

Pu Saia hian chanchin, mi tihlim thei tak tak a ngah mai a, han sawi vek sen chi pawh a ni lo. Saibutua an ti ngawt thin nain a buṭu lo phian a ni. Missionary leh Kohhran enkawlna hnuaih kum 96 a nih thlengin mahni a thing leh tui inlak chawpin a parawl thei a. A hriselna pawh a vawng than dam pawh a dam rei a, keini a ngiang pawhin a hmel kan hmu ve phakin a thukhawchang pawh kan dawng ve hman a ni. Pu Saia, Sumdawnna, tawngtai rei leh petek thui a World Record break-tu hming hi dai ngai suh se.

VII

CHAWNGLA-CHAMPHAI PA TURU

Zing ni chhuah ruala Champhai aṭanga chhuakin tlai ni tlak ruala Aizawl Bawrhsap Pisa thlen hman inring Mizo zingah mi pakhat a awm ṭeng mai. He thu hian inhnialna pawh a chawk chhuak ṭhinin a thlen hman ring leh ringlo mi engemaw zat an awm ṭhin a ni.

He chona khirkhan leh turu zet mai hi Champhai khawpui motorin a la chhun pawh hma a vawrh chhuah kha a ni a. Chung lai chuan Champhai aṭanga Aizawl hlat lam chu Mel 85 lai a ni a, mi naran chu a karah zanli te an riak ṭhin a ni.

He chona ropui, pa naran ka aṭanga chhuak ngai lo tur, rawn chhak chhuaktu hi Champhai tlangval turu tak mai, CHAWNGLA-CHAMPHAI PA TURU an tih chu a ni hep mai a. Amah hi mi piang danglam tak mai a ni a. Champhai paho phei chuan, ‘Chawnga hian hrehawm hi a tuar ngai lova, hrehawm hian a tuar zawk ṭhin a ni,’ an ti hial ṭhin a ni.

A han tlangval chhuak chho .thawm pawh na hle in an sawi a, amah ngei pawhin a han tlangval chhuak chho chu a tha a zat zek zek ṭhin thu leh amah bawhbet zo an awm a rin loh hial thute pawh a sawi ṭhin a ni.

Khawvela a thil awh leh duh ber mai chu SILAI Tha hi a ni a, kan sawi tak a chunga chona thu pawh khi silai a awh em avanga sawi chhuak a ni.

He thu hian silai a awhzia a tarlan rualin a inhuam thukzia leh a chhelna pawh a tarlang tel nghal a, Upate'n 'duhzawng ban nan zawng ban a sei ngai e' an lo tih ṭhin te pawh min ti hrechhuak toni rum theuh awm e. A sawi dan dik tak chu, 'Ka silai awh ber mai chu Aizawla Bawrhsap pisah khuan tung se, Champhai atang hian zing ni chhuah rualin chhuak la ni tlak hma a i zuk vawn hman chuau i nei dawn nia min ti ta se, ka vuan hman ngei ngei ang,' a ti a ni. Mi tam zawk chuan thil tih theih turah an ngai lova amah hre chiangtute erawh chuan mi piang dangkam tak mai a nih avangin a lak hman mai an ring ru tlat mai bawk si a ni.

Nikhat chu, antia lawm, a tlangval chhuah tirhin Chawnga hian thang kam a tum a. Zing atang hian a thangte zawng khawmin an chhuar leh thehhlan vel te a hai a hai mai a. A chhungte chuan an lelet lamah hna thawk turin an chhuahsan ta a. An chhuah dawn chuan a nu chuan, 'Chawnga, kan feh hlanin Khawzawlah buh i lo zuk phur dawn nia,' tuin a hrilh a. A chhungte feh chhuak ta chu a nu haw hmasa-ah rawn tangin zanriah chhum dawnah in a thleng a. Chawnga chuan a thang vel chu a lo la zawng ruk ruk mai a. A nu chuan thiirrim ru deuh tak chung chuan, 'Engatinge Chawnga, buh i lo zuk phurh loh a han ti a. Chawnga chuan, 'Ka phur daih tawh a lawm ! Ka phur pawh saw, ka la hun reng saw,' a ti ta mai a. Champhai atanga Khawzawl mel 17 dawn laia hla chu hriat loh karin a lo Ichlang hman der mai a ni.

Sawi tawh angin Chawnga han tlangval chhuak chho tha hi a zat hian a za zek zek mai ṭhin a. Mi hrāng leh mi chak pian chhuahna ṭhin Champhai khawpu-

ah meuh pawh inbuau leh inchai a hneh an awm ngai lova, lawi leh bawng kawlh te pawh hi Chawnga hmaah chuan an nem duai zel mai a ni an ti.

An sawi ṭhin dan chuan, vawikhat chu an lui kal-naah Bomb vawmpuah (Hand Grenade) hi puak darh lova a kilh beh zawh a inring tlat mai a. Thiante hriat loh hlanin a lo chhin a, a kutbawr khinghnihin a bulh phah ta a ni. Chunglai chuan Indopui II laia Sap sipai-ho bomb kalsan chhar tur a awm ṭhin a ni awm e.

A kut khingninha a bulh tak hnu pawh bian ram-tuileilo anga awm chu a duh bik der lova, ram-vah hrat berah a la ṭang tho va, sa kap thei leh sangha man thei bera sawi a la ni tho mai bawk. Lo lam pawh a chhungte a la enkawlpui zui thei a. Bawng leh Lawi hmang te a lei let ṭhin an nih avangin ran han thununna kawngah pawh a bak an la awm chuang lo.

Vawikhat pawh Pu Zathanga, Aizawl Tuikhuahtlanga awm ta te tlangval lai hian Champhai tlangval panga in Pu Chawnga ho bian khawzim a mi Sial an kai a. An se kaih chu chul tlan Se pachal mam kung mai hi a ni a. An han kaih dawn chuan a han tal ta tak tak mai a, kar loah a hnara an kaihna hnang hrui leh a ki leh a nghawnga an hlinna hruipuite chu a tal chat ta vek mai a. Chuta an sechal chhuak hlin leh tum a Pu Chawnga'n a han thlur tak tak chakzia chu tun thlengin an la sawi a. Hlin pawh a hling leh ta ngei a, a kut bul tawh chung chuan a chaithhawtu-ah a la ṭang thei a ni.

A kut dinglam bul tawh hmawrah hian ruh filawr vunin a tuam khuh tawh hi a awm a, chu chu silai cheng tihiper nan a hmang ḫin a. Saza leh Savawm phei chu Champhai leh a chhehvel-ah kap tam ber a la ni zui hialin an sawi.

Sangha vuak nikhua pawhin tui lut thei òer a la ni a. Li mawnga sangha awm kuta a lak theih tawh loh avangin Tawnzau ban nei hi an hak tir a, a kawngah hruin an hren chip sak a, chutieng chuan li chhungah lutin a. mawng a sangha mù te chu a ha a zuk seh khaiin a tawnzau chhungah chuan a hui lut a, chuta a tui lut lo chhuak hmuhnawm zia thu hahipin an sawi ḫin. A tawnzau hak chhung rawn hnawh khatin pakhat hi a rawn seh chhuak vu zel mai a ni an ti. Thlasik vawh lai ber pawhin a taksaah lumna a tam bik avangin tui chhungah a awm rei thei bik a. A lo chhuak chu a khu hlut hlut mai bik ḫin a ni an ti bawk.

A kut bulh tawh hnu pawh hian Champhai inbuau chak zawnna a chhuah ve pawh a la tum fo ḫin a. Mahse, a buantu tur tena khawih sîl an hlauh ḫin avangin tel ve an remtih sak ngai lova. Champhai Gandhi Memorial High School an dñi tîrh vel laia ‘Infampui’ an buatsaihah crawh chuan ‘Intiansiak’ ah an telh ve a, Champhai tlangval zingih umpha an la awm lova, pakhatna a la ni thei a ni.

Gandhi Memorial High School, Champhai a ka luh ve laiin u R. Zoljana (L) Ex-MLA nen khan Pu Chawnga hi kan kawm ḫin a. A kut bulh tak

avanga pawi a tih thu a sawi ngai lo. Ka tlangval laia ka tha zat thin em em dan khaka kutte hi lo chhe lo phei se chu pawi ka khawih hialin ka ring ti in a sawi thin. Miten mak an tih tawp theih loh chu a kut bulh tawh hnu a engkim mai a la ti ve thei chu a ni.

Sap chanchinbute kan chhiar chuan mi piangsual leh ramtuilei tawh lo te hmantlakna leh an thil tih theih te chhuang taka an tarlan kan hmu thin a. Sorkar pawhin hetiang mite hi a lainatin a theih ang angin a tanpui thin a. Chutih laja keini pawhin chhiatna tawk tawh, mahse mi vantlang chung lama la invawrh chhuak thei Pu Chawnga kan lo nei hi yanduai a chunga vanneihna ropui tak nijn a lang a. Pu Chawnga atang bian Mizo rilru ropui ziate, tum ruhnq leh chhelna kan lo neih san ziate a lang thei a. Mizo hnam a chawimawi hle a ni. Tun thlengin Pu Chawnga hi a la dam a, kum 75 vel mi niin Chhaktiang khawpui, Champhai-ah a awm a ni.

VIII

HLIMNA KUNGPU-LALROPUIA

Kum tam tak liam tawh leh tun thleng pawh a mi la tih ngai loh deuh mai a Aizawl khawpui chhunga Kulikawn Veng hi lut tawh mi pakhat hi a awm a. Chu mi chu siamthu thiam hmingthang PU LALRO-PUIA an tih thin chu a ni. Amah hi tunah chuan he khawvelah hian a awm ve tawh lova, a thenual hluite chuan an ngaina in a siamthu leh a chanchin an la sawi bang thei lo. A vanglai chuan ‘Bob Hope of Mizoram’ lo ti ve hial te pawh an awm a ni.

Kulikawn Veng a luh dan kan ngaihthlak tur hi chuti taka danglam lutuk phei chu a ni lova, Sa-bengtung chunga chuangin a lut a, amah pa siam-thu thiam a lo ni bawk nen, mipui lawm a hlawh hrarpa ve hrim hrim a ni.

Ropui taka Kulikawn a luh dan tur a ruka thiam tak maia lo ruahmantute chu Pu Thanzuala (RIP) Ist A.R. Office a Bora Babu leh Tv. Lalthlamuana (RIP) Kulikawn tlangval hmeltha tak mai te an ni a. Pu Thanzuala hian a thawhna Colamandant hnenah thiam tak leh puithu takin Sabengtung leh Sakawrpu pakhat a dil chhuak a. Chutih lai chuan Tv. Lalthlamuana leh a puibawmtute chuan Kulikawn tawntirh ah Welcome Gate te lo siamin ropui taka Pu Lalropuia Kulikawn a lo sawngbawl luh theih dan tur hi an lo ruahman a ni. Chutih lai chuan Kulikawn hi Veng lungrual leh hlîm thei tak mai an ni a, an karah huatthu hi a awm thei ngai mang lo.

Hetih lai hian Pu Lalropuia chu Bawrhsap Office a thawk, ziaktu pawimawh tak mai hi a ni a. Tichuan, Office a a hna thawk lai chu Pu Thanzuala te chuan thil pawimawh tak atan Chaprahsı an koh chhuah tir a. Eng thil tak ni ang maw ti a Pu Lalropuia chhuak chu Pu Wiscott-a pisa (tuna Directorate of Food & Civil Supplies building) hma ah, ‘Hei le, i chuañna tur Sabengtung..... tih leh blankai an rual nghal a. Kulikawn panin an escort phei ta nghal char char mai a ni. A hnu a Pu Lalropuia sawi danin, hetih lai hian tihdanglam in a la awm si lova, ‘Ka zak chem chem mai a ni’ a ti. Mahse chhuk mai theiin an siam tawh bawk si lo !

Kulikawn kawtchhuah an va thleng ta chiah mai chu paho leh tlangval tihdanglamna lo chang tawh te leh Kulikawn mimir reng reng mai chuan hlim hmel hi an lo pu vek mai a, an kâ pawh zen ila min seh lovang e tih tur hlir mai hi an ni a. A thente phei chu, tumkau vai hian ‘Hosana Lalropuia lo kal chu a eng a thawl e’ ti te in an lo âu va, a thenin a chuanna Sabengtung kâlna turah chuan puante an lo phah ! Sipai Sakawrpu lah chuan khawng tak mai a incheiin thuawi fahran mai bian Sabengtung chu a kai bu kal nghauh nghauh mai a. Tichuan, Pu Lalropuia tan a hmuo an lo buatsaih Pi Nodami Inah chuan ropui takin an hruai lut ta a ni. Tun thleng pawh hian Pu Lalropuia’n Kulikawn a luh dan ang a lut ve hi an la awm lo a ni.

Vawikhhat pawh Pu Lalropuia ho bian Sangha vaw turin Tlawng luiah an thawk thla hlawm a, tuisik tihdanglam pawh an intodelh hle a ni awm e. He-

tiang hian Pu Lalropuia khan an sangha vuak report chu a pe ̄thin a ni :- ‘Rusum kan thlak ̄tan tih ah a in lam pawh kan ̄tan nghal a. Kan sangha vuak an rui ̄tan ta tih ah keini pawh kan rui ̄tan ve a. Tuiah sangha rui an leu ta zuai zuai mai tih ah chuan keini pawh vaukamah kan leu tawn ve zuai zuai tawh mai bawk a. Sangha an rui tak tak ta, li mawngah an thal ta phung mai tih ah zet chuan keini pawh vaukam nisa hnuaiyah kan let thal ve phung tawh mai a, inman tur reng reng kan awm lo kan in ‘DRAW’ tawk chiah a ni,’ tiin a sawi a. Ngøithlatute a ti nuñ nasa thei hle !

Heta an sangha vua hi zan an riak nghal a, zan-laiah chuan Tlawng ruam khawk rum rum khawp hian Tuitu (sava) a rawn hram ta roh a. Tuitu hram an la hre ngai si lo, an hlau mangang chu an khur ru der der mai a. Tuitu hram tur chu a han phun leh nuah nuah a, Tu....tu....tutenge in nih rawn ti hian an hre ta tlat mai a. ‘Chumi khami te chu kan ni e’ tiin an chhang ̄tial ta riai riai mai a. A han hram leh chu ngun deuh mai hian Pu Lalropuia chuan a lo ngaithla ta a. A ̄thian te chuan zawite hian, ‘Enge a rawn sawi leh?’ ti hian an han zawt ru se se a. Pu Lalropuia chuan, ‘Lalropuia kha a laiah mut tir ulâ, in sangha lian lian kha chantir rawh u a ti a nih chu’ tiin a han hrilh a. Chutia a tih miau si chuan a laiah i mu mai a ni ang chu an ti a, a laiah Pu Lalropuia chu an mut tir ta kuk mai a. A zan a zan chuan an sangha man chhung zinga a lian lian chu Pu Lalropuia tan an han theh khawm vel ̄thin a nih chu ! He an Tuitu hram hriat thu hi tun thlenga sawi a la ni.

Tum khat pawh Aizawl khawpui chhunga Veng pakhat Biak Inah a mikhualte a inkhawmpui ve a. Chuta an inkhawm chü Pu Lalropuia chuan a tia lawm, ‘An inkhawm Chairman chu Sipai bang zahawm tak sorkar boot la bun tiap mai hi a ni a. Inkhawm tan dawn chuan, ‘Khai le, kan ‘sabha’ kan lo ‘shuru’ dawn tawh ang a. Kawngkhar bulatlangval thu khan dar hoihna han ‘mar’ rawh a han ti a. A han mar rik bang bang zawh chuan thu puan tur tul te a han puang hmasa leh a ‘Thlai thar thawhlawm kha ‘paila’ tarikah rawn ‘buzai’ vek tur a ni ang. Tin, naktukah Biak In ‘kamdaai’ kan nei ang a, ‘hatiar’ mahni neih ang rawn thawh chhuahpui theuh tur a ni. Kan hna a ‘sakat’ deuh dawn avangin tlawnhngaih chhuaha ‘hazir’ vek tur a ni, tumah ‘gel’ loh tur. Tlaiah ‘Bara Khana’ kan nei nghal ang,’ tiin a han puang a. Ka mikhual inkhawmpuite chuan, ‘Mizo tawng vekin thu a puang na a, enge maw a sawi le?’ an ti he haw e a tia lawm !

Vawi khat dang leh pawh lo neih dan tha deuh mai ka hria e a ti’ mai a. Mite chuan chu a lo neih dan tha briat chu briat ve chakin an zawt ta a. Pu Lalropuia chuan, ‘Ka lo neih dan tha hiat chu valhah leh hal pawh ngai lo, thlawh hah pawh ngai tur si lo’ hi a ni,’ tiin a hrilh a. Dilchhut taka an han zawh leh hau chuan Pu Lalropuia pek chuan, ‘Tlawng lui a, kai thiin te chuan Lalluatai kai thlang lama lungpher zau pui mai, Vaipuanpho an tih khu in hria ang a, a chungah khuan lungsum a awm kaw chuk mai a. Tah chuan leiha chhung khat thliab thliah ila, buh leh thlai chin nan hmang ta mai ila,

vah hah a ngaih loh bakah lung chunga hlo a ȶo theih dawn loh avangin thlawh hah pawh a ngai dawn lova, ȶha deuh mai tur a ni,' tiin a han hrilh chiang ta a. A ȶhat nasat chu tiin an nui dur dur mai a. Mahse nu pakhat fинг dɔuh mai hian, 'Chutia lo nei ve ta lem chuan nisa leh ruahsur laka tawm hulna tur thlamte pawh kan mamawh ang a, khu-tiang lungpui chungah te chuan thlam ban phunna tur pawh kan cho kaw thei dawn em ni? tiin a lo zawt khauh mai a. Pu Lalropuia chuan, 'Bible i chhiar ȶhin lawm ni? Lungpui chunga iu sa tura tih kan nih kha ! Tichuan, iing la i nung ang,' tiin a chhang daih !

Reiek tlang pawh khu Pu Lalropuia kha chuan khawchin hriat nan a hmang thei tlat ȶhin a ni. Reiek tlang chhumin a khuh chuan ruah a sur dawn a ti mai ȶhin. Tin, M.G. Road kopang (Iuna Dr. C. Silvera in hmun ni ta) ah hian tun hma chuan Tuitai hi a put chhuak ȶhin a. Chu chu Pu Lalropuia'n Chite lui a len den a hun leh hun loh en nan a hmang ȶhin a ni. Tuitai put a la nut viau chuan Chite lui a la lian, len den a la hun lo a ti a, mim tui pawla a pawl phât veleh, tui a kâm ta Chite lui ah len a den theih ta' a ti mai ȶhin. Dik thawkhat hle in an hre ȶhin.

Pu Lalropuia kha mi mak dang lam tak a nibna bik chu mi a hypnotise thei emaw tih mai tur hian a thil tih miten an ngaihvein a thusawi an benga rawngah an khung bik ȶhin a. Pui pun khawmuah a han kal ve a, 'Heta ȶang hian khalai kha a laug thei' a han tih mai pawh nuih bluah hluahna tham a tling zel mai a ni.

Hranghlui siamthu thiamte leh ṭhangthar siamthu thiam te hian danglamna lian tak an neia. Thangthar siamthu thiamte hi chuan mipui pungkhawm hmaah a sawia sawiin mipui an chawk hlim a, hranghlui siamthu thiamte kha chuan khawimaw lai-ah a tihin an ti mai ṭhin a. An siamthu pawh a sâng hle a, tunlaia han thar thawh ve chi pawh an ni mang lo.

Pu Lalropuia khan mi chawk hlim thei thiltih tam tak a nei a. Krismas present atan a Pi Lalteii tala (lock) a beh tir thu te, Census chi dang tak mai a beh dan te, Pu J.F. Manlian'n MLA Bye Election a chuh ve ṭum a, a Campaign pui dan te leh Mizo Union-in Lal an ban dawn vela a siamthu thawh te chu tun thlenga mite tihlimtu a la ni. Kha leh chen Zofate lo chawk hlim ṭhintu Pu Lalropuia khan hriatreng phu hle in a lang a. Chu chu a siamthu leh a chanchin tlem ka han tarlan ve na chhan pawh hi a ni.

Amah kha Aizawl chhimlam kawtchhuah, Melthum khaw chhuak, mifing inthup, pa ngilnei leh zaidam tak a ni a, Lehkha thiam hmasa a niin Indopui II lai pawh khan Sipai-ah a ṭang ve a, JCO Rank a dah a ni nghe nghe a. A hnuah, sawi tawh angin, Bawrhsap Office-ah Babu hna a thawk a, mi huat blawh ngai lo pa rual kawm thiam, mi lian leh mi houaihnungte an zawl tawk a kawm thiam vek mai mi a ni.



MIZORAM STATE LIBRARY

Acc No : _____
Acc by : _____
Classify : new
Catalogy : _____
Sub Heading by : _____
Transcribed by : _____
Location No : _____

ENGTE NGE AN SAWI ?

Ka nu, Sakei sch aiin ka tet laia min uire san kha
na ka ti zawk.

- Taitesena

Mihring diriamtu ramsa, phuba la lova kan han liam
tir mai tur chu.....Ka vanglai ka va han ngai em !

- Thangdailova

Sai sawm chauh kap te chu sai kapa chhiar than
an ni dawn em ni ?

- Dumbawma

Ka chanchin sawi loh sa loh hian an sawi thin.

- Thuamchaka

German ral chu a seh a seh tur em ni ? Laipuinu
ah tal min hmang rawh u.

- Pu Saia

Keimah Sangha man thei No. 1 Damlai chen nuam
ber.

- Zalanga

Champhai atanga ni chhuah ruala ke a kalin ni tlak
bmain Aizawi ka thleng hman ang.

- Chawnga, Champhai